

東晉疆域表

下



07685

東晉疆域志卷三

實州郡縣第三

梁州

益州

甯州

交州

廣州

梁州晉書地理志泰始三年分益州立梁州于漢中統郡八縣三十八水經注稱晉書地道記曰梁州南至桓水西底黑水東限杆關今漢中巴郡汝山蜀郡漢嘉江陽朱提涪陵陰平廣漢新都梓潼犍爲武都上庸魏興新城皆古梁州之地太平寰宇

東晉疆域志卷三

一

記又稱王隱晉書云魏末克蜀分廣漢巴涪陵以北七郡爲梁州晉書地理志惠帝時以魏興上庸新城三郡屬梁州孝武帝紀甯康元年苻堅將楊安陷梓潼及梁益二州刺史周仲孫南遁東晉凡領舊郡十增置郡六倚郡別見縣七十八

州治沈志魏元帝景元四年平蜀復立梁州治漢中南鄭而益州治成都李氏據梁益江左于襄陽僑立梁州李氏滅復舊譙縱時又治漢中刺史治魏興縱滅刺史還治漢中之苞中縣所謂南城也太平寰宇記稱王隱晉書云魏末克蜀梁州理漢中之沔陽歷晉太康中州又移理漢中郡後李特據蜀漢中又陷及桓溫平蜀梁州刺史復理漢中郡譙縱時又失漢中刺史寄理魏興郡水經注氏畧漢川縱滅復理漢中之苞中縣今襄城東晉末又移理城固



陽湖洪亮吉學

漢中郡秦置晉書地理志統縣八東晉領縣同沈志稱晉地記云孝武太元十五年梁州刺史周表立疑是李氏所省李氏平後復立

南鄭漢舊縣晉書海西公太和元年荊州刺史桓豁遣

督護桓羆攻南鄭魏興人畢欽舉兵以應羆有小

城水經注晉咸康中梁州刺史司馬勳斷小城南面三分之一以為梁州漢中郡南鄭縣治也

胡城同上河水下云漢水又東逕胡城南義熙十五年城崩出銅鑪十二枚刺史索邈奉送洛陽歸之

宋公府

蒲池晉書地理志有

褒中漢舊縣太平寰宇記東晉義熙末梁州刺史理此

仍改爲苞中縣

沔陽漢舊縣有武興城通鑑涼州刺史王敏攻姚暉將巨瑩楊盛出兵救之敏退屯武

東晉疆域志卷三

興水經注稱郡國縣道記劉濇口通鑑楊盛遣軍蜀置武興督于漢中沔陽縣濇口臨濇口梁州刺史王敏退屯武興水經注稱郡國縣道記

梁州西縣本名白馬城又謂之濇口城

成固漢舊縣元和郡縣志晉平譙縱後梁州刺史嘗理

于此也有南城水經注義熙九年索遐為梁州刺史自成固治此故謂之南城城周

七里在北城同上城即大西樂城容襄谷西樂城

側有容襄谷道通益州山多羣獠諸葛亮築以防遏梁州刺史楊亮以卽險之固保而居之為苻堅

所敗後刺史姜守潘猛亦相仍守此城

西鄉沈志蜀立曰南鄉晉武帝太康二年更名杜佑云

西鄉縣晉置

黃金元和郡縣志本漢安陽縣地魏文帝分置黃金縣

興道通典蜀分成固立興勢縣按今名蓋晉所改有駱

谷路元和郡縣志晉司馬勳出駱谷破趙成璧于懸鉤去長安二百里青苔通鑑

元年梁州刺史楊亮帥巴獠酋餘拒苻堅
將王統等戰于青谷亮兵敗奔固西城

魏興郡魏置晉書地理志統縣六東晉領縣同沈志去州一千
二百去京都水六千七百太平寰宇記魏時理洵口晉太康二
年移理錫縣三年又改理平陽縣元康中又移理錫縣永嘉後
復移理西城故城晉書孝武帝太元四年苻堅將韋鍾陷魏興
太守吉挹死之

西城漢舊縣屬漢中水經注氏略漢川梁州移治于此

有吉挹城

太平寰宇記晉吉挹為梁州時為苻堅所攻遂于縣南九里峻山上築此城攻圍三年挹堅守不下故名

興晉魏平陽縣沈志晉武帝太康元年更名按水經注
甲水又東南逕魏興郡之興晉縣南晉武帝太康
中立立字微誤應云太康中改今名也

東晉疆域志卷三

三

安康漢安陽縣太平寰宇記晉太康元年改今名晉太

康地志屬魏興郡

錫漢長利縣沈志後漢省晉武帝太康四年復立屬魏

興五年改長利為錫有洛津戍

太平寰宇記晉時于此置洛津戍

鄖鄉漢錫縣沈志魏晉世為郡後省武帝太康五年改

為鄖鄉何志晉惠帝立非也水經注又云長利之

鄖鄉晉太康五年立以為縣有豐城

宋書符瑞志晉穆帝升平

四年二月鳳皇見鄖鄉之豐城十二月又見豐城

水經注梁益二州分界于此

洵陽漢舊縣沈志又云前漢有後漢無晉武帝太康四

年復立太平御覽稱輿地志魏置魏興郡領洵陽

等六縣有清口戍

太平寰宇記晉置清口戍水經注興晉洵陽二縣分界于清溪

谷

晉昌郡晉書地理志桓温平蜀後以巴漢流人立晉昌郡領長樂安晉延壽安樂宣漢甯都新興吉陽東關永安十縣今考水經注晉昌郡隸梁州晉太康中立沈志稱何承天志又云晉元帝立按當以晉書地理志爲是太平寰宇記郡本漢西城縣地

長樂沈志永初郡國何徐並屬晉昌

安晉沈志永初郡國何徐屬晉昌

延壽沈志永初郡國何徐屬晉昌

安樂晉書地理志有

宣漢沈志永初郡國何徐屬晉昌水經注巴水出晉昌

郡宣漢縣巴嶺山郡隸梁州晉太康中立治漢中

縣南去郡八百餘里故屬巴渠

甯都晉書地理志有水經注漢水又逕晉昌郡之甯都

東晉置城志卷三

縣南縣治松溪口

新興晉書地理志有

吉陽晉書地理志有

東關晉書地理志有

永安晉書地理志有

新城郡魏置晉書地理志統縣四東晉領縣同晉書孝武帝太元九年桓冲將郭寶伐新城魏興上庸三郡降之沈志去州陸一千五百去京都水五千二百

房陵漢舊縣

綏陽沈志魏立後改爲秭歸晉武帝太康二年復爲綏

陽

昌魏沈志魏立郭璞山海經注今睢水出新城魏昌縣

汭鄉沈志稱何志魏立晉太康地志作汭音水水經注汭

水下云汭鄉縣分房陵立郭璞山海經注荆山今

在新城汭鄉縣南按沈志又有閩陽縣何不注置

立水經注汎水出梁州閩陽縣容永初中所立故

不錄入

上庸郡魏置東晉領縣七沈志去州陸二千三百去京都水六

千七百

上庸漢舊縣沈志晉太康地志屬上庸郡

安富沈志稱晉太康地志永初郡國何徐並有作富安

北巫沈志稱何志晉武帝立按魏所分新城之巫應卽

是此縣然則非晉武立明矣

東晉書志卷三

五

武陵漢舊縣沈志前漢屬漢中後漢晉太康地志王隱

並無按晉書地理志有

上廉太平寰宇記晉于西城縣置上廉縣取上廉水爲

名尋又改爲吉陽縣按周地圖記云上廉縣後移

還上庸又于平利置吉陽故永初郡國云北吉陽

也有女媧堡輿地紀勝晉桓溫伐秦其將司馬勳出子午道爲苻雄所敗退屯女媧堡

微陽沈志魏立曰建始晉武帝改

廣昌沈志稱何志屬上庸晉成帝立晉地記武帝太康

元年改上庸之廣昌爲庸昌三年省疑是魏所立

梓潼郡沈志稱晉太康地志劉氏分廣漢立晉書地理志統縣

八東晉分出晉壽郡領縣五

梓潼漢舊縣太平御覽稱晉太康地記云梓潼縣出傘

子鹽有掌夫山元和郡縣志晉太安元年遣都護山要博博爲伏兵氏陷山太平寰宇記稱隋亂所置卽此山也武帝氏人移流入蜀耕耘墾墾此山遂成陌田名氏陌山

涪城漢舊縣元和郡縣志晉孝武徙梓潼于此晉書哀

帝紀興甯三年梁州刺史司馬勳反帥衆入劍閣

攻涪西夷校尉母丘暉弃城遁有黃虎劉勳宣傳敬宜入自

白帝所攻皆克軍次黃虎去成都五百里通鑑注黃虎近涪城按晉書避唐諱故云黃獸按梓潼郡有黃澗水流入涪江卽此與遂甯亦接壤故有書劉勳宣傳云次遂甯郡之黃虎是也

武連晉書地理志有

萬安太平寰宇記本涪縣地晉于梓潼水尾萬安故城

置萬安縣晉末亂移就孱亭

漢德沈志徐云舊縣按二漢並無漢德縣晉太康地志

東晉臺域志卷三

六

王隱並有疑是劉氏所立

晉壽郡晉書地理志孝武分梓潼北界立晉壽郡統晉壽白水卻歡興安四縣沈志稱晉地記云孝武太元十五年梁州刺史周薇表立按沈志南漢中郡下又云太元十五年梁州刺史周薇表立疑有一誤至漢中郡下止云梁州刺史周表立則周下脫一字也去州陸一千二百去京都水一萬

晉壽元和郡縣志漢葭萌縣蜀先主改爲漢壽縣晉又

改今名沈志稱晉起居注武帝太康元年改梓潼

之漢壽曰晉壽漢壽之名疑是蜀立何志云晉惠

帝立非也又晉書地理志桓温平蜀後又于晉壽

置劍閣縣孝武時罷劍閣縣按縣當仍并入晉壽

有劍閣晉書哀帝興甯三年司馬勳反率衆入劍閣

白水漢舊縣郭璞山海經注白水色微白濁今在梓潼

白水縣沈志稱晉太康地志屬梓潼

郤歡沈志永初郡國何徐並有不注置立疑自蜀立曰

昭歡晉改也

興安元和郡縣志東晉孝武太元十五年分晉壽縣置

按吉甫于金牛縣下又云晉孝武置縣谷縣誤蓋

興安縣至隋開皇中始改爲縣谷也

廣漢郡漢置沈志稱太康地志屬梁州晉書地理志太康六年

九月罷新都并廣漢郡地理志新都郡秦始二年置統縣四東晉分置遂甯郡

領縣七沈志去州陸六百去京都水九千九百

雒漢舊縣

什方漢舊縣

鄠漢舊縣

東晉疆域志卷三

七

新都漢舊縣沈志晉武帝爲王國太康六年省爲縣屬

廣漢有金淵戍元和郡縣志縣有金堂山水通于漢東晉義熙末刺史朱齡石征

蜀于東山立金淵戍

緜竹漢舊縣有三造亭魏志田續至緜竹夜襲鄧艾子三造亭斬艾及其子忠

陽泉沈志蜀分緜竹立

五城沈志晉武帝咸甯四年立太康六年省七年又立

何志劉氏立元和郡縣志云蜀先主立晉書孝武

太元八年輔國將軍楊亮伐蜀拔五城擒苻堅將

魏光有五城水口通鑑蜀郡侯暉因蜀人不樂遠征行至五城水口與巴西陽味

謀作亂水經注江水東絕綿洛逕五城界至廣都北岸南入于江謂之五城水口斯爲北江

遂甯郡晉書地理志桓溫平蜀後于德陽界東南置遂甯郡元

和郡縣志東晉分置遂甯郡于廣漢縣地太平寰宇記晉分德

陽置遂甯郡屬益州益德陽之舊壘也西北接涪縣東鄉之橫山東極青石與巴郡爲界譙縱亂後移于石岬凡領縣五

巴興沈志稱徐志不注置立疑是李氏所立太平寰宇記巴興縣穆帝永和十一年置屬遂甯郡

德陽漢舊縣沈志稱晉太康地志屬廣漢

廣漢漢舊縣

晉興沈志稱徐志不注置立太平寰宇記東晉孝武帝于廣漢置晉興縣元和郡縣志晉興縣本屬巴郡既置遂甯乃割屬焉

小谿元和郡縣志穆帝永和十一年置小谿縣屬遂甯郡

涪郡蜀置涪陵郡晉書地理志統縣五漢復涪陵漢平漢葭萬

東晉疆域志卷三

甯按蜀置郡本理丹興太平寰宇記稱晉太康地記云省丹興縣郡移理漢復元和郡縣志晉永嘉後地沒蠻夷桓温定蜀以涪郡理枳縣城樂史又云東晉桓温定蜀別立枳縣于今涪陵郡東北一十里鄰溪口又置故枳城郡尋廢今考沈志枳縣屬巴郡則涪陵郡所治之枳自屬桓温定蜀後別立樂史之言蓋有所本毛璩傳涪陵太守文處茂保涪陵又毛德祖爲涪陵太守又元和郡縣志涪州城本秦枳縣城樂温賓化二縣本漢枳縣地是桓温所立涪郡治枳縣者係秦枳縣城巴郡所統者則漢枳縣也今從諸說分晰列入而涪陵郡所統舊縣則已沒蠻夷不更錄入凡領縣一

枳太平寰宇記桓温定蜀立有秦枳縣城元和郡縣志自李雄據蜀

此地積爲戰場人衆奔波或上或下桓温定蜀涪郡理枳縣城卽此按桓温又置故枳城郡當卽

因秦舊郡命名

巴郡秦置晉書地理志統縣四東晉同沈志去州內水一千八百陸五百外水二千二百去京都水六千

江州漢舊縣郭璞山海經注江州屬巴郡

墊江漢舊縣晉書甯康二年桓石虔破苻堅將姚萇于

墊江

臨江漢舊縣有石城

太平寰宇記在縣東一百里當江岷之北岸李雄之亂巴西郡寄治

此城其城四面懸絕焉

枳漢舊縣

巴西郡蜀置東晉分出宕渠新巴二郡凡領縣六晉書穆帝永和三年振威護軍蕭敬文害征虜將軍楊謙攻涪城陷之遂取巴西通于漢中八年平西將軍周撫討蕭敬文于涪城斬之

西充國漢充國縣沈志稱晉太康地志有西南二充國

東晉疆域志卷三

九

屬巴西太平寰宇記李雄亂後其城荒廢

蒼溪晉書地理志有

岐嶺晉書地理志有

南充國沈志譙周巴記初平六年分充國為南充國

安漢沈志舊縣屬巴郡

平州沈志晉武帝太康元年以野民歸化立

宕渠郡蜀置尋省晉書地理志惠帝復分巴西置宕渠郡統宕

渠漢昌

漢昌疑當作漢興

宜漢三縣東晉領縣同沈志稱永初郡國有

宕渠漢興宜漢三縣太平寰宇記又云李壽亂後地為諸獠所

侵郡縣悉廢

宕渠漢舊縣沈志稱晉太康地志屬巴郡

漢興沈志二漢魏無晉地志有屬興古郡按此縣當是

置郡時移屬

宣漢漢舊縣太平寰宇記符陽縣本漢縣屬巴郡晉宋廢爲宣漢縣地按晉書地理志有安漢無宣漢疑卽宣漢之誤然沈志二縣並載今姑從之又水經注巫谿水導源梁州晉興郡之宣漢縣據此則晉時梁州有兩宣漢縣一屬晉昌者已見前又一屬晉興也又攷屬晉昌者沈志云本建平流民則亦與僑縣等水經注又云東晉時晉興縣亦曾作郡統宣漢等縣地理書皆不載晉梁州有晉興郡惟巴西西巴渠兩太守下並有晉興令耳地志闕略不敢懸決姑附記于此

新巴郡沈志晉安帝分巴西立領縣三地形志亦云司馬德宗置今考東晉領縣當同宋

東晉疆域志卷三

十

新安沈志晉安帝立按地形志安帝所立有新巴縣沈志南新巴太守下亦云新巴令晉安帝立此作新安疑卽一縣容後改今名也

晉城沈志晉安帝立

晉安沈志晉安帝立今考太平寰宇記晉立巴郡于閬中析置晉安縣巴郡蓋卽此新巴郡晉安卽此縣也

汶陽郡晉志安帝時又立新巴汶陽二郡沈志稱何志新立先屬梁州南齊書蠻傳汶陽本臨沮西界二百里中水陸迂狹魚貫而行有數處不通騎而水白田甚肥腴桓温時割以爲郡西北接梁州新城東北接南襄城南接巴西領縣三

僅陽

沮陽

高安沈志稱何志云三縣並新立水經注南沮水下云
故新城之下邑義熙初分新城立

北巴西郡沈志梁州北巴西是晉末所立永初郡國領閬中漢
昌二縣東晉領縣當同沈志去州一千四百去京都水九千九
百

閬中漢舊縣

漢昌漢舊縣太平寰宇記稱四夷縣道記至李特孫時
有羣獠十餘萬從南越入蜀漢間散居山谷因斯
流布在此地後遂為獠所據歷代羈縻不置郡縣
益州漢置習書地理志武帝泰始二年分益州置梁州以漢中

東晉疆域志卷三

十一

屬焉七年又分益州置甯州益州統郡八縣四十四今考東晉
益州領舊郡五增置郡五縣四十三通典又云東晉益州領郡
二十九宋齊梁並同按沈志二十九郡內宋甯宋興南宕渠南
晉壽等郡皆宋元嘉中始立非東晉時所有通典誤按州舊有
陰平郡華陽國志云晉永嘉之末太守王監以郡降李雄晉永
嘉之後羌虜數叛遂立為郡以遏之晉人因是悉沈移于蜀漢
其氏羌並屬揚茂搜以郡自後不為正朔所頒晉書永和三年
桓温攻成都李勢降益州平甯康元年苻堅陷益州太元十年
蜀郡太守任權斬苻堅益州刺史李平益州平義熙九年朱齡
石克成都斬譙縱益州平

州治通典晉益州治成都

蜀郡秦置水經注晉太康中蜀郡為王國更為成都內史益州

刺史治元和郡縣志武帝改蜀郡爲成都國以皇子穎爲王惠
帝時李雄竊據桓溫討平之簡文帝時苻堅遣將鄧羌楊安伐
蜀益州並沒于秦孝武太元八年平蜀安帝時譙縱又據益州
叛朱齡石討平之今考東晉蜀郡又分置晉原甯蜀二郡凡領
縣四

成都漢舊縣晉書哀帝紀興甯三年司馬勳圍益州刺

史周楚于成都桓溫遣江夏相朱序救之太和元

年序攻司馬勳于成都衆潰執勳斬之有小城溫桓

傳溫乘勝直進焚小城文翁石室元和郡縣志朱齡石平譙

壁管橋桓溫傳李勢悉衆與溫戰于管橋

郫漢舊縣元和郡縣志晉惠帝大安二年李雄殺汶山

太守陳君遂竊據郫縣城自稱大都督益州牧刺

東晉置城志卷二

史羅尙數攻之後尙爲雄所敗委城夜遁遂克成

都自郫遷據焉有觀坂元和郡縣志白馬氏侵掠

軍至都江屯觀坂蜀郡何旋進諫曰今所安營地

名觀坂自上觀下反上之象漢高祖相人岑彭忌

繁漢舊縣水經注稱晉太康地記江沱在繁縣

牛鞞漢舊縣沈志止作鞞云二漢晉太康地志並曰牛

鞞屬犍爲何志晉穆帝度此有牛鞞水水經注昔

鞞水東征李

甯蜀郡太平寰宇記稱臧榮緒晉書穆帝紀永和八年平西將

軍周撫攻涪八月戊午剋之斬蕭敬文益州平以蜀流人立甯

蜀晉昌二郡晉昌郡凡領縣三

廣漢沈志別見遂甯郡復有此縣按疑廣漢縣大桓溫

平蜀後立遂甯甯蜀二郡皆得廣漢縣地甯蜀又寄治廣漢也姑從沈志兩列之

廣都漢舊縣晉書地理志屬蜀郡有龍格

通鑑譙縱置桓謙于龍格

使人守之注卽廣都縣龍水灘之地也水經注作龍洞華陽國志作龍鶴皆以音近而譌

升遷沈志晉太康地理志屬汶山郭璞山海經注今江出

汶山郡升遷縣按沈志漢中甯蜀二郡皆有西鄉

縣並云蜀南鄉晉太康二年更名今止列于漢中

郡下此不更錄又按甯蜀郡之廣漢西鄉晉昌郡

之宣漢等縣或卽以其縣流入僑置故皆仍舊名

然諸地志不言難以臆斷今姑從沈志兩列而附

記于此俟再攷

晉原郡沈志李雄分蜀郡爲漢原晉穆帝更名

太平寰宇記穆帝永和三年改

東晉疆域志卷三

十三

漢原爲晉原郡

領縣五去州陸一百二十去京都水一萬今考東晉領

縣當同宋

江原漢舊縣沈志屬蜀郡元和郡縣志李雄于此立漢

原郡晉穆帝改爲晉原圖經尋復故

臨邛漢舊縣沈志屬蜀郡元和郡縣志晉末李雄亂後

爲獠所侵太平寰宇記稱李膺益州記蓋李雄據

蜀李壽從牂柯引獠入蜀境自象山以北盡爲獠

居臨邛舊縣因茲廢樂史又云晉穆帝平李勢于

益州唐隆縣地又置臨邛縣

徙陽漢徙縣沈志稱晉太康地理志有徙陽縣屬漢嘉

漢嘉漢舊縣沈志劉氏立爲漢嘉郡晉江右猶爲郡江

左省爲縣太甯元年漢嘉太守王載以郡叛降李驥今考晉書地理志

漢嘉郡又有嚴道旄牛二縣水經注涑水又東
晉初置疑此縣亦屬漢嘉而郭璞山海經注邛東
諸地志不載姑附記于此

山今在漢嘉嚴道縣南江水所自出也沈志稱旄
牛晉太康地志屬漢嘉元和郡縣志稱李膺益州

記自晉永嘉崩離李雄竊據此地蕪廢將二十紀
夷獠居之旄牛當亦然是東晉無漢嘉郡之證也

故不錄有青衣江通鑑桓溫軍至青衣靈關宋書符瑞志晉
見漢嘉靈關通典雅威甯三年黃龍

晉樂沈志稱何志故屬沉黎晉太康地志無沉黎郡及
晉樂縣今考縣各晉樂當是晉立

健為郡漢置晉書地理志統縣五東晉無牛鞞縣增冶官縣領
縣同沈志去州陸九十去京都水一萬

東晉疆域志卷三

武陽漢舊縣太平寰宇記晉永和置西江陽郡于此

有天柱山華陽國志譙縱作亂廣漢王瓊建義慮
衆心不一乃伐樹為的云凡我同盟死

生一力共成義節者此樹還生如或離貳鼎鼻山
樹遂枯死俄而節生焉至今孫枝猶生

元和郡縣志亦曰打鼻山譙縱據蜀朱齡石伐之
命賊黨外出奇兵譙縱遣將譙小苟引兵塞打鼻

以禦之即鹽井元和郡縣志晉孝武帝太元中益
此山也

平模穆帝紀永和三年桓溫滅蜀使益州刺史周
撫鎮彭模譙縱傳朱齡石師次此去成都二

百里按元和郡縣志彭山縣北至城都府正二百里平模亦
亡模音同彭山縣北至城都府正二百里平模亦

作彭合水通鑑桓溫軍至青衣李勢大發兵遣李
模等自山陽趨合水經注江水東南

過犍為武陽縣青衣水涑水從西
南來合注之所謂合水當是此地

南安漢舊縣

棘道漢舊縣毛璩傳棘道令何林

資中漢舊縣

治官沈志晉安帝義熙十年立元和郡縣志漢南安縣
地晉義熙十年分置治官縣屬犍爲樂史作資官
元和郡縣志隋後始誤以治爲資

汶山郡沈志稱晉太康地志漢武帝立孝宣地節三年合蜀郡
劉氏又立東晉領縣六沈志去州陸一百去京都水一萬

汶山漢汶江縣

都安沈志蜀立太平寰宇記稱晉太康地志都安屬汶
山郡

興樂沈志二漢魏無太康地志興樂縣本名白馬屬汶
山太康元年更名華陽國志元康八年汶山興樂
縣黃石等與廣柔平康羌有仇遂叛

平康晉書地理志有

東晉疆域志卷三

蠡陵漢舊縣

廣柔漢舊縣按晉書地理志又有廣陽縣元和郡縣志
本漢汶山縣地晉改爲廣陽縣太平寰宇記晉末

廢故不錄

江陽郡蜀置

詳見僑郡

沈志中失本土寄治武陽按江陽符皆

西晉江陽郡舊縣東晉分立之常安安樂亦皆實土故仍列入
實郡而郡之建置則于僑郡詳焉

江陽漢舊縣元和郡縣志晉穆帝遣安西將軍桓溫將

萬人伐李子仁軍次江陽卽此地後爲獠所沒

符漢舊縣

常安沈志晉孝武立

安樂元和郡縣志晉穆帝分符縣地置安樂縣

東江陽郡沈志稱何志晉安帝初流寓入蜀今新復舊土爲郡領縣一僑縣別見去州一千五百八十去京都水八千九百

和郡縣志晉穆帝于江陽縣置東江陽郡領江陽縣

漢安漢舊縣沈志稱晉大康地志屬江陽元和和郡縣志

晉穆帝于江陽縣地置漢安縣十八年改爲江安

縣今考漢安漢舊縣非晉始置豈李雄亂後縣浸

穆帝又重立非漢縣舊地邪俟考

越雋郡漢置東晉領縣八晉書太甯元年越雋太守李釗以郡

叛降李驥

會無漢舊縣郭璞山海經注越雋郡會無縣

邛都漢舊縣有溫水水經注李驥敗李流于溫水卽此

卑水漢舊縣

東置域志卷三

定柞漢舊縣

臺登漢舊縣太平寰宇記漢旌縣地

護龍水經注靈道縣一各靈關道晉太始九年黃龍二

見于利慈池縣令董元之率吏民觀之以白刺史

王濬濬表上之晉朝改護龍縣也按此則西晉應

卽有此縣今晉書地理志無之故補錄于此有利

慈渚水經注靈道縣有利慈渚卽黃龍見處

蘇和沈志漢曰蘇示原缺一字曰蘇利按晉書地理志亦不

載此縣今從沈志錄入

晉興沈志稱永初郡國有按縣曰晉興當亦晉所立沈

志又有新興縣亦云永初郡國有容宋初所立姑

缺之

平樂郡常璩南中志元帝建興元年刺史割建甯新定興遷二縣新立平樂三沮二縣合四縣爲郡

新定沈志晉太康地志有

新興沈志江左立

平樂

三沮

沉黎郡沈志稱蜀記云漢元鼎中置後罷又二漢晉並無此郡永初郡國有按此疑晉末所立故附入領縣三

城陽沈志徐不注置立

蘭沈志漢舊縣屬越嵩作闕晉太康地志無

旄牛漢舊縣沈志稱晉太康地志屬漢嘉

甯州晉書地理志泰始七年武帝以益州地廣分益州之建甯

興古雲南交州之永昌合四郡爲甯州統縣四十五藝文類聚

稱晉咸和起居注曰六年甯州上言甘露降城北園柰桃樹等

沈志太康三年省立南夷校尉惠帝太安二年復增牂柯越嵩

朱提三郡成帝咸康四年分牂柯夜郎朱提越嵩四郡爲安州

事起舊復還益州晉書地理志曰又二及度人在是乎云州入

甯州成帝紀在七年十二月又省永昌郡按晉書武帝紀止云太康三年

八月罷平州甯州刺史三年一入奏事而不云廢甯州疑沈志

有誤晉志則又承其誤也成帝紀咸和二年甯州刺史尹奉遣

姚岳等援龐遺八年李壽陷甯州刺史尹奉及建甯太守霍彪

並降之今考東晉凡領舊郡六增置郡十縣七十九沈志去京

都一萬三千三百

州治通典晉甯州理雲南

建甯郡蜀置晉書地理志統縣十七後又分出益州平樂等郡
東晉凡領縣十一有丹川通鑑成康六年李壽陷丹川守將孟
彥劉齊季秋皆死注丹川當在建甯

味漢舊縣

同樂沈志晉武帝立按縣次序從宋書州郡志以惠帝

分立益州郡容縣道亦有更定也他均倣此宋書

五行志晉太元十四年建甯銅樂縣枯木自立

談臺沈志漢舊縣屬牂柯晉武帝立按此則漢末三國

時縣蓋暫廢武帝復立也

牧麻沈志漢舊縣作牧摩

漏江沈志漢舊縣屬牂柯晉武帝立按例當與談臺同

同瀨沈志漢舊縣同作銅

昆澤漢舊縣

存駝漢舊縣沈志稱晉太康地志有

同竝漢舊縣屬牂柯沈志晉武帝咸甯五年省哀帝復

立

萬安沈志江左立

毋單漢舊縣屬牂柯沈志稱晉太康地志屬建甯

晉甯郡沈志晉惠帝永安二年分建甯西七縣為益州郡晉襄

帝更名王遜傳改益州郡為晉甯郡領縣七原注疑按明帝紀

事叙在元帝即位以後徵談太守李暹則改名太甯二年有益州

晉領縣當同按沈志及晉書地理志皆云惠帝分建甯以西七

縣別立為益州郡而此屬晉甯郡止六縣未知何故今考建甯

郡所屬又有修雲俞元二縣沈志晉武帝咸甯元年分建甯郡

修雲俞元二縣閒流民復立律高縣而二縣則沈志已無之疑
東晉亦同且核其地理亦不在建甯以西疑益州郡七縣中必
無修雲俞元也餘又無縣足以當之姑從沈志共闕疑焉

建伶漢舊縣屬益州沈志稱太康地志屬建甯按晉書
地理志有冷丘無建伶當即是

連然漢舊縣屬益州沈志稱晉太康地志屬建甯

滇池漢舊縣屬益州沈志稱晉太康地志屬建甯有滇

池澤水經注晉太元十四年甯州刺史費統言晉甯郡滇池縣兩神馬一白一黑盤獻河水之上漢書地理志滇池

澤在滇池縣西北

穀昌漢舊縣屬益州沈志稱晉太康地志屬建甯

秦臧漢舊縣屬益州沈志稱晉太康地志屬建甯按沈

志于此下闕一縣

東晉疆域志卷三

雙柏漢舊縣屬益州沈志稱晉太康地志屬建甯

牂柯郡漢置晉書地理志統縣八後分出平夷夜郎二郡東晉

凡領縣五沈志去州一千五百去京都水一萬二千

萬壽沈志晉武帝立

且蘭漢曰故且蘭沈志稱晉太康地志無郡國志注稱

地道記縣有沅水

毋歛漢舊縣按晉書地理志作毋劍當誤今從漢書地

理志沈志又作故毋歛

晉樂沈志江左立

丹南沈志江左立按沈志又有新甯縣云何徐不注置

立容宋初所立今甯闕焉

平蠻郡沈志晉永嘉五年晉書地理志作二年甯州刺史王遜分牂柯朱

提建甯立平夷郡水經注云晉建興元年置後避桓溫諱改領縣一去京都水一萬三千東晉領縣當同

平蠻漢平夷縣屬牂柯郡按名蓋與郡同改

營漢舊縣屬牂柯郡按水經注又云營縣故犍為郡治

也縣有犍山今考營縣未嘗屬犍為晉建興元年置平夷郡

劉昭郡國志注稱地道記營縣不狼山營水所出

夜郎郡沈志晉懷帝永嘉五年甯州刺史王遜分牂柯朱提建

甯立領縣四去州一千去京都水一萬四千東晉領縣當同

夜郎漢舊縣屬牂柯郡

廣談沈志稱晉太康地志屬牂柯

談樂沈志江左立

談指漢舊縣屬牂柯郡按晉書地理志作指談沈志又

東晉疆域志卷三

作談柏當屬字誤

朱提郡蜀置晉書地理志統縣五後分出南廣郡東晉凡領縣

五沈志去州七百二十去京都水一萬四千六百

朱提漢舊縣有大瀘山晉書五行志太康五年山崩震壞郡舍

堂狼漢舊縣沈志稱晉太康地志屬朱提有瀘水水經注晉

明帝大甯二年李贖等侵越嵩攻臺登縣甯州刺史王遜遣將軍姚岳擊之戰于堂狼贖軍大敗岳追之至瀘水赴水死者千餘人遜以岳等不窮追怒髮上衝冠恰裂而卒

臨利沈志江左立

漢陽漢舊縣郭璞山海經注漢陽縣屬朱提沈志稱晉

太康地志屬朱提

南秦沈志本名南昌晉武帝太康元年更名

南廣郡沈志晉懷帝分朱提立領縣四王遜傳以地形便分朱提為南廣郡亦永嘉五

也去州水二千三百去京都水一萬四百今考新興縣沈志云何承天志不注置立疑屬宋初所置不敢錄入東晉當領縣三也

南廣漢舊縣屬犍爲沈志稱晉太康地志屬朱提

晉昌沈志江左立

常遷沈志江左立

建都郡沈志晉成帝分建甯立領縣六去州二千去京都水一萬五千東晉領縣同

新安沈志晉成帝立

經雲沈志晉成帝立

永豐沈志晉成帝立

臨江沈志晉成帝立

東晉疆域志卷三

麻應沈志晉成帝立

遂安沈志晉成帝立

興古郡蜀置沈志稱晉太康地志故牂柯晉書地理志統縣十一後分出西平梁水二郡東晉凡領縣六沈志去州二千三百去京都水一萬六千晉書太甯三年梁水太守爨亮益州太守李邊以興古叛降李雄咸康二年廣州刺史鄧嶽遣督護王隨擊夜郎新昌太守陶協擊興古並克之

漏卧漢舊縣屬牂柯

宛暖漢舊縣屬牂柯沈志本名宛温爲桓温改

律高漢舊縣屬益州郡沈志晉武帝咸甯元年分建甯

郡修雲俞元二縣間流民復立水經注劉禪建興

三年分牂柯置興古郡治温晉書地道記治律高

有温水

王遜傳越構太守李釗與李驥任回攻釗釗自南秦與漢

嘉太守王載共距之
戰于温水釗敗績

賁古漢舊縣

漢興沈志疑蜀漢所立

進桑漢舊縣郡國志晉書地理志皆誤作乘今從前漢

志及水經改正

西安沈志江左立

句町漢舊縣屬牂柯

南興沈志江左立

西平郡沈志晉懷帝永嘉五年甯州刺史王遜分興古之東立

何志晉成帝非也東晉有西甯縣凡領縣六沈志去京都水一

萬五千三百

東晉疆域志卷二

西平沈志稱何志晉成帝立

溫江沈志稱何志晉成帝立

都陽沈志稱何志晉成帝立按晉起居注太康二年置

興古之都唐縣疑是

晉綏沈志稱何志晉成帝立

義成沈志稱何志晉成帝立又云上五縣並與郡俱立

西甯沈志稱何志晉成帝立

梁水郡沈志晉成帝分興古立領縣七去州水三千去京都水

一萬六千按水經注劉禪分興古之盤南置郡于梁水縣據此

則蜀時已有此郡東晉時復立耳王遜傳又云永嘉五年分永

昌為梁水郡今考明帝紀大甯二年已有梁水太守爨亮則郡

當自永嘉中立也又考新豐建安二縣何志不注置立不敢錄

入東晉當領縣五

梁水沈志與郡俱立

騰休漢舊縣屬益州郡沈志稱晉太康地志屬興古何

志故屬建甯晉武帝從興古治之遂以屬焉水經

注温水下作勝休

西隨沈志漢舊縣屬牂柯晉太康地志屬興古

毋掇漢舊縣屬益州郡沈志稱晉太康地志屬興古劉

氏改曰西豐晉武帝太始五年復為毋掇

鐔封漢舊縣屬牂柯郡沈志稱晉太康地志屬興古

永昌郡漢置東晉分出東河陽西河等郡凡領縣七晉志又云

成帝咸康八年省永昌郡

不韋漢舊縣有瀘峯水經注是山于晉太康中崩震動郡邑

東晉疆域志卷三

永壽晉書地理志有

雍鄉晉書地理志有

南涪晉書地理志有

舊唐漢舊縣

哀牢漢舊縣

博南漢舊縣

雲南郡蜀置沈志稱晉太康地志故屬永昌晉書地理志統縣

九後又分出東河陽興甯二郡東晉凡領縣三其西古復縣沈

志稱何不注置立今亦不錄沈志去州一千五百去京都水一

萬四千五百

雲南漢舊縣屬永昌沈志稱晉太康地志屬雲南

雲平沈志晉武帝咸甯五年立

姑復漢舊縣屬越雋沈志稱晉太康地志屬雲南並云
姑復永初郡國何並云東姑復

東河陽郡沈志晉懷帝永嘉五年甯州刺史王遜分永昌雲南
立領縣二去州二千去京都水一萬五千東晉領縣當同

東河陽沈志稱何不注置立疑與郡俱立水經注河水
與邪龍分浦後立河陽郡治河陽縣

樸榆漢舊縣屬永昌沈志稱晉太康地志屬雲南漢書
地理志樸作葉

西河郡沈志晉成帝分河陽立領縣三去州二千五百去京都
水一萬五千五百東晉領縣當同

芑蘇漢舊縣沈志後漢晉太康地志屬永昌芑作比
成昌沈志晉成帝立

建安沈志晉成帝立

東晉疆域志卷二

禹

興甯郡沈志及晉書地理志晉成帝分雲南立領縣二去州一
千五百去京都水一萬四千五百東晉領縣當同

橋棟漢舊縣屬益州沈志稱晉太康地志屬雲南

青蛉漢舊縣屬越雋沈志稱晉太康地志屬雲南太平

御覽又稱太康地志曰雲南青蛉縣出碧

廣州吳置晉書地理志太康中吳平以荊州始安始興臨賀三
郡來屬統郡十縣六十八懷帝永嘉元年又以臨賀始興始安
三郡凡二十縣爲湘州成帝又以三郡還屬荊州東晉凡領舊
郡六增置郡七縣一百九晉書安帝紀義熙十三年南海賊徐
道期陷廣州始興相劉謙之討平之

州治元和郡縣志吳孫皓分置廣州理番禺晉代因而不改

南海郡秦置晉書地理志統縣六東晉分出東官新會二郡凡領縣八

番禺漢舊縣郭璞山海經注南海郡番禺縣太平御覽

稱王隱晉書吳將呂岱為廣州遣掘尉佗冢費損

無獲佗雖奢僭慎終其身乃令後人不知其處鑒

于牧豎所殘也有盧循故城元和郡縣志循既為宋高祖所破聚其餘

黨還至番禺高祖遣建威將軍孫季石門水太平

高振武將軍沈田子力戰大破之記一名貪泉晉中與書東衝宋書孫季高傳季高即吳隱之酌飲之所東衝從海道襲番禺至東

衝去城十餘里

增城漢舊縣

博羅漢舊縣沈志二漢皆作傳字晉太康地志作博元

和郡縣志二漢立名不一吳以後復為博羅有羅

東晉書地理志卷二

浮山葛洪傳洪乃止羅浮山

西平沈志永初郡國有

龍川漢舊縣

四會漢舊縣有峻湖漕口水經注晉永和七年際暖與交州刺史楊平復進軍高治

滿入頓郎湖討范佛子曰南故治

懷化沈志晉安帝立按太平寰宇記云漢四會縣晉懷

化縣據此則晉分四會為懷化也

高要漢舊縣屬蒼梧水經注稱晉書地理志縣東去郡

五百里刺史夏避毒徒縣水居也此郡字指蒼梧按未知

何時移屬南海今姑從沈志列此

東官郡沈志稱何志故司鹽都尉晉成帝立為郡廣州記晉成

帝咸和七年分南海立按太平寰宇記云東官郡晉義熙中立蓋誤領縣六去州水

三百七十去京都水五千六百七十今考安瓠縣沈志稱永初郡國何徐並不注置立他書亦無明文容宋初所立也又欣樂一縣沈志稱本屬南海宋末度按縣不知何時所立今亦不錄東晉當領縣四

寶安沈志永初郡國何徐並不注置立今考元和郡縣

志晉成帝咸和六年于博羅縣地置寶安縣屬東

莞郡則是縣與郡同立也太平寰宇記云東官郡

晉義熙中置以寶安縣屬焉又云吳孫皓甘露元

年置始興郡以南海縣地置司鹽都尉至晉立東

官郡是司鹽都尉為寶安縣之證有蕪城太平寰宇記東

官郡有蕪城即吳時司鹽都尉署

興寧沈志江左立元和郡縣志本漢龍川地晉于今興

東晉疆域志卷三

美

甯縣西三里置興甯縣屬東官郡太平寰宇記晉

元興中置

海豐沈志永初郡國何徐並不注置立今考元和郡縣

志云本龍川縣地東晉于此置海豐縣縣屬東官

郡疑亦咸和六年與郡同立也

海安沈志吳曰海甯晉武改名太康地志屬高興按此

疑亦立東官郡時所移屬

新會郡沈志晉恭帝元熙二年分南海立廣州記曰永初元年

分新甯立治益允未詳孰是今考晉書地理志云恭帝分南海

立新會郡而通典太平寰宇記亦云新會郡晉末置疑當以前

一說為是也凡領縣三沈志去州二百五十

益允沈志永初郡國故屬南海何徐同按縣既先屬南

海後爲新會郡治則係晉立可知

新夷沈志吳立曰平夷晉武帝太康元年更名故屬南

海按晉書地理志尚名平夷似誤

封平沈志永初郡國云故屬新甯何云故屬南海徐同

按縣或與新甯郡同立

蒼梧郡漢置晉書地理志統縣七東晉分出晉康新甯永平三

郡凡領縣六沈志去州水八百去京都水五千五百九十

廣信漢舊縣元和郡縣志自漢迄陳不改

建陵沈志吳立屬蒼梧宋末度始安郡按此則晉時仍

屬蒼梧也

猛陵漢舊縣

遂成沈志永初郡國有

東晉置城志卷三

毛

丁留沈志晉武帝太康七年以蒼梧蠻夷賓服立

廣陵沈志永初郡國有

晉康郡沈志晉穆帝永和七年分蒼梧立治元谿永初郡國治

龍鄉今考元和郡縣志云晉末置太平寰宇記稱南越志晉康

郡本屬蒼梧端谿縣晉咸康四年分置按云咸康四年置及晉

末置皆與沈志晉書地理志穆帝置異未知李吉甫樂史何本

姑附見俟考凡領縣十二沈志去州水五百去京都水五千八

百

元谿沈志稱晉太康地志屬蒼梧

端谿漢舊縣沈志稱何志屬蒼梧徐志屬此

龍鄉沈志稱何志云當是晉末立太平寰宇記晉分端

谿縣置龍鄉縣

晉化沈志稱何志不注置立疑是晉末所立

都城沈志稱何志晉初分建陵立今無建陵縣按太康

地志惟有都羅武城縣

夫阮沈志永初郡國有

僑甯沈志稱何志云漢舊縣檢二漢地理郡國志無此

縣

封興沈志永初郡國有及何志並屬晉康

蕩康沈志永初郡國有及何志並屬晉康

思安沈志永初郡國有及何志並屬晉康

遼安沈志永初郡國有

開平沈志永初郡國有按上二縣應是晉末立

新甯郡沈志晉穆帝永和七年分蒼梧立太平寰宇記永和七

東晉置城志卷三

天

年分蒼梧郡于臨允縣置新甯郡東晉領縣九沈志去州水六

百二十去京都水五千六百

南興沈志稱何志漢舊縣檢二漢地理郡國志晉太康

地志並無永初郡國有

臨允漢舊縣屬合浦沈志稱晉太康地志屬蒼梧何志

吳度蒼梧

新興沈志永初郡國有

博林沈志永初郡國有

甘東沈志永初郡國有

單牒沈志永初郡國有

威平沈志永初郡國有

平興沈志永初郡國有元和郡縣志本漢高要縣地晉

末分置平興縣屬新寧郡太平寰宇記宋元嘉十
二年置平興縣誤

永城沈志永初郡國有又云永城平興二縣當是晉末
立

永平郡沈志晉穆帝升平五年分蒼梧立凡領縣十去州水一
千二百去京都水五千四百東晉領縣當同

安沂沈志永初郡國有

豐城沈志吳立屬蒼梧永初郡國併安沂當是宋初併

蘇平沈志永初郡國有

啖安沈志永初郡國有

夫甯沈志永初郡國有

雷鄉沈志永初郡國有又云以下五縣當是與郡俱立

東晉郡志卷三

无

按此則安沂蘇平等縣亦當與郡俱立也

盧平沈志永初郡國有

員鄉沈志永初郡國有

逋寧沈志永初郡國有

開城沈志永初郡國有

鬱林郡秦置桂郡漢改今名晉書地理志統縣九東晉分出晉
與郡領縣二十一沈志去州水一千六百去京都水七千九百

布山漢舊縣

領方漢舊縣沈志吳改曰臨浦晉武復舊按元和郡縣

志云至隋始復爲領方恐誤

阿林漢舊縣按晉書地理志作柯林今從漢地理志郡

鬱平沈志吳立曰陰平晉太康元年更名元和郡縣志
又云漢廣鬱縣吳改爲陰平晉又改今名

新邑沈志吳立

武熙沈志本曰武安應是吳立晉武帝太康元年更名

建初沈志永初郡國有

賓平沈志永初郡國有

威化沈志永初郡國有

新林沈志永初郡國有

龍平沈志永初郡國有

安始沈志吳立曰建始晉武帝太康元年更名

懷安沈志稱何志吳改未知先何名吳錄地理無懷安

縣名太康地志無永初郡國有

東晉疆域志卷三

三

晉平沈志吳立曰長平晉武帝太康元年更名

綏甯沈志永初郡國併領方按此則晉末或尙有

歸化沈志永初郡國有又云中冑歸化二縣晉太康地

志無疑是江左立

中冑沈志永初郡國有疑卽桂林之中溜今按沈志云

晉太康地志無中溜縣晉書地理志亦同今故不

並錄

安遠沈志晉武帝太康六年立屬鬱林永初郡國猶屬

鬱林

程安沈志永初郡國屬鬱林疑是江左立

威定沈志永初郡國屬鬱林疑是江左立

建安沈志永初郡國有

晉興郡沈志晉元帝大興元年分鬱林立水經注又云晉興郡
太康中分鬱林置未知誰是元和郡縣志晉于領方縣置晉興
郡凡領縣八

晉興、元和郡縣志晉分漢領方縣地置有泉源太平寰宇記稱

南越志云晉興縣泉源與建都興甯二郡分境陶侃既開此郡貢賦由是日盛有陶侃碑

熙注

桂林

增羽

安廣晉書地理志屬鬱林

廣鬱按二漢志鬱林郡有此縣疑此非漢縣或用舊名

耳

晉城

東晉疆域志卷三

鬱陽

桂林郡吳置東晉領縣九沈志去州水一千五百七十五去京

都水六千八百

潭中漢舊縣元和郡縣志自漢迄陳不改

武豐太平寰宇記晉太康元年分吳所置武豐縣置長

安縣按此則縣吳立也

長安沈志太康元年分龍岡立常安太平寰宇記又云

晉太康元年分武豐立未知誰是沈志又云太康

地志永初郡國皆有

粟平晉書地理志有

羊平沈志作陽平云永初郡國何徐並有又云晉武帝

太康元年立桂林之洋縣疑是今按沈志稱何承

天志又云新置者晉書地理志有此縣則非宋時所立不得云新置也當卽太康元年所立之泮縣無疑

龍岡沈志晉武帝太康元年立晉書地理志作龍剛

夾陽沈志稱永初郡國有常安夾陽二縣按晉書地理志有夾陽無常安

武城晉書地理志有

軍騰晉書地理志有按二縣及粟平沈志無均從晉書

地理志錄入

高涼郡吳置東晉領縣七沈志吳又立高興郡太康中省并高涼去州水一千一百去京都六千六百

安甯沈志吳立

東置區域志卷三

高涼漢舊縣

思平沈志稱晉太康地志有十道志太平寰宇記又云

晉分高涼縣置思平縣今按沈志云漢獻帝建安

二十三年吳分立高涼郡治思平縣則縣當與郡

同立十道志等云晉分置蓋誤

石門沈志稱何志故屬高涼

長度沈志稱永初郡國高涼又有石門廣化長度宋康

四縣何徐並無宋康當是宋初所立按此則石門

等三縣尙屬晉時所置也

莫陽沈志稱晉太康地志有屬高興按此縣當從武帝

省高興郡時移屬今從沈志列于此

廣化沈志稱晉太康地志有屬高興永初郡國屬高涼

按此縣當亦省高興郡時所移

甯浦郡沈志稱晉太康地志武帝太康七年改合浦屬國都尉

立晉書地理志云吳置誤辯見三國疆域志東晉領縣七

澗陽沈志晉太康七年永初郡國作簡陽吳錄云晉分

甯浦為澗陽阮放傳高寶擊放敗走保簡陽城得

免

興道沈志晉武帝太康元年以合浦北部營之連道立

吳錄有此縣未詳

甯浦沈志稱晉太康地記本名昌平武帝太康元年更

名吳錄有此縣未詳元和郡縣志本漢高涼縣地

太平寰宇記又云縣本漢廣鬱縣地

吳安晉書地理志有沈志稱吳錄無

東晉置城志卷三

三

昌平按太康地記云甯浦本名昌平今晉書地理志甯

浦外又有昌平未知何故

平山沈志稱晉太康地志有

始定沈志稱晉太康地志有吳錄又云晉分平山為始

定

義安郡沈志晉安帝義熙九年分東官立太平寰宇記稱南越

志云義安郡本屬南海郡後隸東官郡晉義熙八年割立其地

與晉安郡接界東晉領縣五沈志去州三千五百去京都水八

千九百

海陽沈志稱何志晉初立晉太康地志無晉地記故屬

東官元和郡縣志義熙九年晉分揭陽縣地立海

陽縣太平寰宇記晉立東官郡于此

綏安沈志稱何志與郡俱立晉地記故屬東官太平寰宇記在郡東一千里海道也

海甯沈志稱何志與郡俱立晉地記故屬東官太平寰宇記云縣在郡東六里西接東官縣界

潮陽沈志稱何志與郡俱立晉地記故屬東官元和郡縣志本漢揭陽縣地晉安帝分東莞郡置義安郡仍立潮陽縣屬焉以在大海之北故曰潮陽

義陽沈志晉安帝義熙九年以東官五營立太平寰宇記稱南越志昔流人營也義熙元年元當立為縣

交州漢置藝文類聚稱太康地記云交州本屬揚州取交阯以為名虞之南極也周有天下越裳氏慕聖人之德重九譯貢白雉秦滅六國南開北越置桂林象郡以趙佗為龍川令因秦之

東晉量城志卷三

禹

末自擅南裔漢高革加以王儗始變椎髻鬻冠冕焉晉書地理志晉平蜀以蜀建甯太守霍弋遙領交州得以便宜選用長吏平吳後省朱崖入合浦太甯元年梁碩攻陷交州刺史王諒死之陶侃遣高寶攻梁碩斬之太元五年九真太守李遜據交州反交阯太守杜瑗斬遜交州平東晉統郡七縣六十五按郭璞山海經注交州有南康郡

州治元和郡縣志晉太康中交州徙理龍編

交阯郡漢置晉書地理志統縣十四東晉領縣當同晉書安帝紀隆安三年范達寇交阯太守杜瑗討破之

龍編漢舊縣有石碣

盧循傳杜慧度帥州府文武距循于石碣破之

南津水經注盧

循寇交州刺史杜慧度率軍水步晨出南津以火箭攻之燒其船艦一時潰循亦中矢赴火而死于是斬之傳首京師慧度

句漏漢舊縣

望海漢舊縣

羸婁漢舊縣

西于漢舊縣

武甯沈志吳立水經注稱晉太康地志武甯縣屬交阯

朱書符瑞志晉惠帝元康元年白鹿見交阯武甯

朱鳶漢舊縣

曲易漢舊縣

交興沈志吳立吳興縣按晉書地理志作交興當屬晉

平吳後所改

北帶漢舊縣

稽徐漢舊縣

東晉疆域志卷三

定安漢舊縣晉書地理志作安定水經注同

南定沈志吳立曰武安晉武帝改

海平沈志吳立曰軍平晉武帝改

合浦郡漢置東晉領縣九沈志去京水一萬八百里

合浦漢舊縣有鬼門關太平寰宇記晉時趨交阯皆由

生諺云鬼門關十八人去九不還

南平晉書地理志有

蕩昌沈志晉武帝分合浦立

徐聞漢舊縣沈志故屬朱厓晉平吳省朱厓入合浦太

平御覽稱晉太康地志曰朱厓儋耳無水惟種大

瓠藤斷其汁用之亦足太平御覽稱王隱晉書曰

朱厓在大海中遙望朱厓州大如茵舉帆一日一

夜至州周回二千里徑度七八百里可十萬家女
多效好長髮美

毒質晉書地理志有

珠官沈志吳立

朱盧沈志吳立晉書地理志無

晉始沈志晉武帝立晉書地理志無

新安沈志江左立

新昌郡太平御覽稱方輿志吳置新興郡晉改爲新昌晉書咸
康二年廣州刺史鄧嶽遣督護王隨擊夜郎新昌太守陶協擊
興古並克之王敦傳敦使交州刺史王諒殺新昌太守梁碩碩
舉兵圍諒于龍編東晉領縣六

蒼泠漢舊縣

東晉城志卷二

嘉甯沈志吳立

吳定沈志吳立

封山晉書地理志有

臨西晉書地理志有

西道晉書地理志有

武平郡吳置東晉領縣九沈志去州水二百一十六

武甯沈志吳立云太康地志無此縣

武興晉書地理志有按沈志武平太守下今本止有吳

定新道晉化三縣餘屬闕簡下注云吳錄無晉太

康地志有當指武興以下等縣也俟求舊本校之

又按吳定晉書地理志屬新昌

進山晉書地理志有

根甯晉書地理志有

安武晉書地理志有

扶安晉書地理志有

封溪晉書地理志有

新道沈志江左立

晉化沈志江左立

九真郡漢置東晉領縣十一沈志去州水八百去京都水一萬

一百八十

晉浦漢舊縣有水口

水經注稱林邑記云義熙九年交趾太守杜慧度造九真水口與林邑

常

邑范胡達戰擒斬胡達二子虜獲百餘人胡達退五月五日慧度自九真水歷都粟浦復襲九真退

乃退日交戰

移風漢舊縣沈志故名居風吳更名

東晉置域志卷三

毛

湛梧沈志晉武帝分移風立

建初沈志吳立

常樂沈志吳立

扶樂晉書地理志有

松原沈志晉武帝分建初立水經注稱晉書地道記有

高安沈志稱何志晉武帝立太康地志無吳錄晉分常

樂縣立元和郡縣志又云漢居風縣地吳改移風

晉于此立高安縣屬九真郡

軍安沈志稱何志晉武帝立太康地志無此縣而交趾

有軍平縣今考元和郡縣志云漢都龐縣地晉時

分立軍安縣屬九真郡據此則軍平軍安自屬兩

縣况一云吳立一云晉武帝立當屬二縣無疑沈

志偶不檢耳

都龐漢舊縣沈志龐音龍吳錄有晉太康地記無晉書地理志亦同按此等縣疑係江左所立今姑從沈志錄入下皆類此

甯夷沈志稱何志晉武帝立太康地志無按沈志又有甯夷縣今考武平郡有此縣當是故不更錄

九德郡吳置晉書地理志周時越常氏地東晉領縣九沈志去州水九百去京都水一萬九百晉書穆帝紀永和四年范文寇九德多所殺害

九德沈志稱何志吳立水經注稱晉書地道記有感驪漢舊縣元和郡縣志自漢迄隋不改

南陵沈志稱何志晉武帝立太康地志無王隱有水經注稱晉書地道記九德郡有南陵縣晉置也

東晉疆域志卷三

天

陽遂沈志吳立曰陽成太康二年更名後省今按沈志尙有此縣或省後又復立故錄入沈志作陽遠

扶苓晉書地理志有

曲晉書地理志有

浦陽沈志晉武帝分陽遂立水經注稱晉書地道記有都沈沈志稱何志晉武帝分九德立按沈志有越常縣云何承天志言吳立太康地志無今考晉書地理志亦無此縣或晉初已省今故不錄

西安沈志稱何志晉武帝立太康地志無吳錄亦無

日南郡秦象郡漢改今名太平寰宇記吳省晉平吳復置水經注晉太康三年省日南郡屬國都尉以其所統盧容縣置日南

郡及象林之故治又稱晉書地道記云郡去盧容浦口二百里故秦象郡象林縣治也晉書穆帝紀永和三年三月林邑范文攻陷日南害太守夏侯覽七月范文復陷日南言督護劉雄水經注永和五年征西桓溫遣督護滕駿率交虞兵伐范文于舊日南之盧容縣爲文所敗退次九真更治兵文被創死于佛代立七年駿與交州刺史楊平復進軍壽洽浦入頓郎湖討佛于日南故治佛螳聚連壘五十餘里駿平破之佛逃竄川藪遣大帥面縛請罪軍門與盟而還安帝紀隆安二年林邑范達陷日南九真太平寰宇記晉末郡人范熊自稱林邑王攻陷日南郡告交州刺史吉蕃求以日南郡北界橫山爲界其後又陷九真郡自是屢寇交阯南界東晉領縣七沈志去京都水一萬六百九十

東晉疆域志卷三

象林漢舊縣

盧容漢舊縣有浦口

水經注溫水下稱康秦扶南記曰從林邑至日南盧容浦口可二百里地道記曰南郡去

盧容浦口二百里

朱吾漢舊縣水經注稱晉書地道記云朱吾縣屬日南郡去郡二百里此縣民漢時不堪二千石長吏調求引屈都乾爲國林邑記曰屈都夸也

西卷漢舊縣太平寰宇記自漢至晉不改

比景漢舊縣吳仁傑曰考古編云舊唐志景州北景縣

晉將灌邃破林邑五月五日卽其地立表表在北

日景在南故郡名日南縣爲北景按水經注云日

中頭上影當身下與影爲比如瀆曰故以此影名

縣闕駟曰比讀苗庇之庇此爾疋所謂距齊州以

南戴日者也斗南比景爲北景豈所見前後漢
志有別本歟宋書州郡志亦作北景或後來傳習
成譌立爲異義也有温公浦水經注升平三年温
放之征范佛至此
壽洽沈志晉武帝太康十年分西卷立
無勞沈志晉武帝分比景立

東晉臺城志卷三

早

東晉疆域志卷四

陽湖洪亮吉學

實州僑郡第四

荊州

益州

揚州

荊州

見上

東晉凡統僑郡六僑縣可考者二十一

義陽郡

晉志穆帝時以義陽流人在南郡者立為義陽郡

新興郡沈志稱魏志建安二十年省雲中定襄五原朔方四郡

郡立一縣合為此郡屬并州晉江左僑立按沈志宋初六縣疑

晉末亦同故並錄

雲中漢郡名後漢書注郡在今勝州北西晉屬新興東

晉僑立下同

九原漢縣名屬五原後漢書注故城在今勝州銀城北

定襄漢郡名後漢書注故城在今勝州界

宕渠漢縣名西晉屬巴西郡後漢書注故城在今渠州

流江縣東北俗名車騎城是也沈志流寓立

廣牧漢縣名屬朔方水經注河水又東逕廣牧縣故城

北

新豐漢縣名西晉屬京兆太平寰宇記故城在昭應縣

東十八里沈志流寓立

南河東郡晉志元帝渡江又僑立新興南河東二郡沈志又云

晉成帝咸康三年征西將軍庾亮以司州僑戶立圖經咸康四

年于南郡所屬松滋僑縣置南河東郡宋初八縣按疑晉末亦同

聞喜漢縣名漢晉並屬河東郡元和郡縣志故城在今聞喜縣西南八里

廣戚漢縣名沈志後漢晉太康地志屬彭城後漢書注故城在今徐州沛縣東沈志江左流寓立

松滋漢縣名沈志後漢無晉屬安豐疑是有流民寓荆土故立按今荊州府有松滋縣卽承晉僑縣名也

宏農漢郡名沈志江左立僑郡後併省爲縣

臨汾漢縣名太平寰宇記故城在正平縣東北二十五里

永安漢縣名水經注潁水又西流逕永安縣故城南

東臺城志卷四

安邑漢縣名史記正義故城在絳州夏縣

譙漢縣名太平寰宇記故城在下邑縣城北三十一里

沈志譙流民寓立

南義陽郡晉志安帝僑立沈志晉末以義陽流民僑立宋初有四縣按今縣可考者三

厥西沈志二漢無晉太康地志屬義陽江左僑立

平陽漢縣名史記正義故城卽晉州城西面今平陽故城東面也沈志平陽本爲郡江左僑立魏世分河

東爲平陽郡晉末省爲縣

平氏漢縣名西晉屬南陽後漢書注故城今唐州平氏

縣

東義陽郡晉志安帝僑立

縣無考

長甯郡沈志晉安帝僑立晉志同按沈志又云宋初五縣後省
經安今考晉末當領縣四無上黃

長甯沈志晉安帝立

經安沈志晉安帝立

僮陽沈志晉安帝立

益州見上東晉凡統僑郡三僑縣可考者六

始康郡沈志關隴流民晉安帝立領縣四寄治成都按此郡縣
名雖新創然因流民所在勅立又寄治成都非有實土故亦列
僑郡中他皆倣此

始康沈志晉安帝立

談沈志晉安帝立

晉豐沈志晉安帝立

南陰平郡沈志永嘉流寓來屬寄治襄陽領僑縣二太平寰宇
記德陽縣北厚中西西有南陰平鄉即故僑郡也

陰平漢縣名水經注白水又東南逕陰平故城南西晉
屬陰平郡江左僑立

縣竹漢縣名後漢書注故城在今縣竹縣東西晉屬新

都郡江左僑立

金城郡太平御覽稱周地圖記曰晉義熙末刺史朱齡石率建

平人征蜀仍于東山立金城郡後魏平蜀改爲金水郡按此郡

未知何屬今以征蜀所立故附益州他皆倣此

東晉疆域志卷四

縣無考

揚州見上東晉凡統僑郡三實郡有僑縣三共僑縣十六

淮南郡見上沈志中原亂胡寇屢南侵淮南民多南渡成帝初

蘇峻祖約為亂于江淮胡寇又大至民南渡江者轉多乃于江

南僑立淮南郡及諸縣晉末遂割丹陽之于湖縣為境凡領僑

縣五

當塗漢縣名西晉屬淮南元和郡縣志故城在鍾離縣

西南一百七十里沈志晉末分子湖為境太平寰

宇記成帝時以江北之當塗縣流入過江在于湖

者僑立當塗縣屬淮南郡

襄垣漢縣名沈志其地本蕪湖漢舊縣至于晉末立襄

垣縣屬上黨上黨民過江者立僑郡縣寄治蕪湖

東晉疆域志卷四

四

後省上黨郡為縣屬淮南圖經晉甯康中僑立上

黨郡改蕪湖立襄垣定陵遂道三縣義熙中省上

黨郡為縣

上黨漢郡名晉甯康中僑立義熙中省為縣圖經故城

在蕪湖縣西南

定陵漢縣名後漢書注故城在今郟城西北魏屬襄城

郡東晉僑立沈志後割蕪湖為境圖經故城在今

青陽縣東北

遂道漢縣名後漢書注故城在今廬州慎縣南西晉屬

淮南郡東晉僑立沈志後分蕪湖為境圖經故城

在今宣城縣北六十里

松滋郡晉志成帝又于尋陽僑置松滋郡遼隸揚州按宋書庾

悅傳督司州之松滋則郡似曾屬司州然攷何无忌傳增督揚州之松滋无忌距悅之爲督時不遠疑悅傳有脫文也又按太元十二年松滋太守王遐之當卽此郡

松滋漢縣名

見上

圖經今九江府德化縣東有松滋廢

縣當屬東晉僑立也晉志安帝又省松滋郡爲松

滋縣

義成郡晉書桓宣傳宜平襄陽陶侃使宣鎮之以其淮南部曲立義成郡沈志晉孝武立治襄陽按晉哀帝興甯二年以桓豁監荊州及揚州之義成桓冲傳督揚州之義成新野二郡今攷豁與冲所督之義成卽陶侃僑立于襄陽者其僑置之地在荊州其人戶則屬揚州也圖經義成廢郡在光化縣西北領僑縣四

東晉疆域志卷四

五

義成漢縣名西晉屬淮南沈志晉孝武立按淮南舊縣

東晉蓋已荒廢孝武時當以流人在襄陽者立也

下蔡漢縣名沈志稱晉太康地志屬淮南東晉流寓立

平阿縣同

平阿漢縣名沈志永初郡國有當是何志後省

萬年漢縣名

見上

沈志舊屬馮翊元和郡縣志故城在

今櫟陽縣

尋陽郡

見上

凡領僑縣二按實郡隸江州此特附見

安豐漢縣名後漢書注故城在今霍山縣西北西晉屬

安豐郡東晉僑立

宏農漢縣名沈志尋陽郡又有宏農縣流寓文帝元嘉

十八年省併松滋按此則晉末有此縣也

僑州實郡第五

又凡實郡有僑縣僑郡有實縣者皆同類附見不更分析

徐州

秦州

徐州沈志晉永嘉大亂幽冀青并兗州及徐州之淮北流民相率過淮亦有過江在晉陵郡界者晉成帝咸和四年司空郗鑒又徙流民之在淮南者于晉陵諸縣其徙過江南及留在江北者並立僑郡縣以司牧之又云明帝世淮北浸寇僑立徐州治鍾離安帝義熙七年始分淮北為北徐淮南猶為徐州後又以幽冀合徐今考江北淮南諸實郡皆徐州所領僑郡別見胡三省云徐州實郡在江北者有廣陵堂邑鍾離三郡然實則不止此也沈志穆帝永和中郡移出京口圖經晉徐州僑治京口凡領舊郡二增置郡四領縣二十

東晉置城志卷四

六

廣陵郡漢置晉志東晉分出海陵山陽二郡凡領縣五晉書廢帝太和中桓溫自山陽及會稽王昱會于涂中謀後舉遂城廣陵而居之

淮陰漢舊縣沈志稱太康地志屬廣陵又淮浦縣沈志

稱太康地志亦屬廣陵東陽司吾下相徐四縣並

云屬臨淮也晉書元帝太興四年以劉隗為青州

刺史鎮淮陰穆帝永和八年使北中郎將荀羨鎮

淮陰孝武太元十二年豫州刺史鎮淮陰荀羨傳

羨北討上疏云舊淮陰鎮形勢都要水陸皆通易

以觀釁沃野有開殖之利方舟運漕水陸無阻乃

營立城池焉有樊梁湖津湖

水經注淮水下云承和中患湖道多風陳

敏因穿樊梁湖北口下注津湖逕渡二十二里方

達北口直至夾邪興甯中復以津湖多風又自湖

廣陵漢舊縣有新城邵伯球

之南口沿東岸二十里穿策入北口自後行者不復由湖

糧運艱難壘呂梁水立七球以利漕運又曰安築球于新城北百姓賴之故名伯球到三枚球十五里三枚球即安所立七球名也步丘鎮廣陵之步

海陵漢舊縣沈志三國時廢晉武帝太康元年復立有

青蒲毛球傳海陵縣界地名青蒲四面湖澤皆是

火菽蒟盡然亡戶宥迫悉詣球郎山通鑑段龕襲自首出近萬戶球皆以補兵國于郎山敗之

高郵漢舊縣沈志三國時廢晉武帝太康元年復立晉

志又有射陽海陽淮浦江都四縣水經注射陽城

本北中郎將庾希所鎮太平寰宇記義熙元年省

東臺置或志卷四

七

射陽縣置山陽郡沈志江都三國時廢晉武帝太

康六年復立江左又省併輿縣有三阿通鑑苻堅將俱難陷

盱眙遂圍幽州刺史田浴于三阿白馬塘謝元傳去廣陵百里謝元自廣陵救三阿何謙解田浴圍進據白馬塘又謝元次白馬塘

輿漢舊縣按桓彝傳嘗過輿縣宰東海徐甯云云則東

晉時有此縣沈志宋元嘉十三年始併輿縣入江

都

海陵郡沈志晉安帝分廣陵立永初郡國屬徐州東晉蓋同凡

領縣四僑縣別見去京都水三百九十陸同

臨江沈志晉安帝立圖經初屬山陽郡後屬

如臯沈志晉安帝立

甯海沈志晉安帝立

蒲壽沈志晉安帝立

山陽郡沈志晉安帝義熙中土斷分廣陵立景帝分梁為山陽
非此郡也永初郡國屬徐州東晉蓋同通典或云漢吳王濞反
于廣陵山陽王率眾于此拒之因以山陽為名樂史稱宋書郡
國志并記云安帝義熙元年省射陽縣分廣陵之鹽城地立山
陽東城左鄉二縣為山陽郡屬南徐州又稱戴延之西征記曰
山陽津名按郡名蓋取諸此又漢鹽瀆縣沈志云晉安帝改為
鹽城是東晉時有此縣凡領縣四沈志去京都水五百陸同

山陽沈志射陽縣境地名山陽與郡俱立水經注淮水
下云城本北中郎將庾希所鎮

鹽城漢舊縣名鹽瀆沈志三國時廢晉武帝太康二年
復晉安帝更名

東晉鹽城志卷四

東城沈志晉安帝立

左鄉沈志晉安帝立

盱眙郡晉志義熙中以盱眙立盱眙郡統考城直瀆陽城三縣
太平寰宇記義熙中置郡于今盱眙縣東一里臺子山上晉書
太甯元年石勒攻陷下邳徐州刺史卞敦退保盱眙太元四年
苻堅將句難彭超陷盱眙高密內史毛璪之為賊所執沈志去
京都水七百陸五百有君川通鑑謝元與秦將俱難等戰于君
里有君山此蓋川大破之胡三省云盱眙縣北六
君山之川也淮橋同上謝元遣何謙之等率
舟師乘潮而上焚淮橋

考城晉志義熙七年立

陽城沈志晉安帝立

直瀆沈志晉安帝立

鍾離郡沈志晉安帝分立晉志明帝于漢故九江郡界置鍾離

郡屬徐州按宋書劉義康傳兼督司州之鍾離郡事在義熙中
沈志去都陸六百二十水一千三十

縣別見

淮陵國沈志惠帝永甯元年以為淮陵國蘇峻傳除淮陵內史
謝元傳淮陵太守高素王恭傳淮陵內史虞珽

縣可考者四

淮陵漢舊縣沈志晉屬臨淮惠帝永甯元年以為淮陵

國

司吾漢舊縣沈志晉太康地志屬臨淮

徐漢舊縣沈志晉太康地志屬臨淮元和郡縣志晉太

康三年復立

下相漢舊縣

東晉疆域志卷四

九

秦州晉志江左分梁為秦寄居梁州又立氏池為北秦州沈志
晉孝武立秦州寄治襄陽安帝世在漢中南鄭按楊氏據仇池
常奉晉正朔故晉得立北秦州此志不錄入者亦與涼州張氏
同例又考義熙十三年劉裕置東秦州宋書劉義真傳領東秦
州刺史是東晉秦州有三然實郡則止陰平一郡耳

陰平郡晉志秦始中置懷帝紀永嘉六年陰平都尉董冲遂太
守王鑿以郡叛降于李雄成帝紀咸和六年雄將李壽侵陰平
武都氏帥楊難敵降之按董冲叛後郡蓋復歸故咸和六年又
云李壽侵陰平也郡雖舊屬秦州而與梁州境接桓温平李氏
後當兼有此郡故地理志云江左分梁為秦寄居梁州蓋專指
此郡而言所領縣當與西晉同

陰平漢舊縣

平武沈志蜀立曰廣武晉武帝太康元年更名晉書地

理志作平廣誤

遥立州郡第六

北雍州

東秦州

司州

并州

北雍州晉書義熙十三年劉裕克長安執姚泓以子義真爲都督雍涼秦三州諸軍雍東秦二州刺史以朱齡石爲北雍州刺史十四年復陷于赫連勃勃太平寰宇記姚萇孫泓爲劉裕所滅東晉復置雍州及京兆郡凡領郡可攷者七京兆郡領縣可考者三

東晉書地理志卷四

長安有未央殿宋書武帝紀大會文武于未央殿

豪倉門宋書自序三修殺沈田子

于長安豪倉門

藍田有青泥坂晉書義熙十四年赫連勃勃大敗王師于青泥

渭南有寡婦渡宋書傅宏之傳赫連璜又鈔畧渭南宏之又于寡婦人渡破瓌

馮翊郡宋書王鎮惡傳鎮惡以本號領安西司馬馮翊太守按毛德祖傳爲馮翊太守亦在裕西征時

縣無考

扶風郡宋書自序高祖表言參征虜軍事扶風太守沈田子

縣無考

咸陽郡宋書自序卽授田子咸陽始平二郡太守

池陽宋書傅宏之傳大破赫連瓌于池陽

始平郡通鑑裕以田子領始平太守元和郡縣志沈平子領始

平太守

槐里宋書白叙田于轉門達于槐里剋之

東安定郡宋書劉義真傳又進督并東秦二州司州之東安定
新平二郡諸軍事按劉遵考傳又云督北雍州之新平安定諸
軍事今考新平安定二郡晉志本屬雍州當以劉遵考傳爲是

縣無考

新平郡

縣無考

東秦州宋書劉義真傳領東秦州刺史通鑑以毛德祖領秦州
刺史胡三省云德祖所領卽東秦州凡領郡可考者二

天水郡晉書毛德祖傳以德祖爲中兵參軍領天水太守按是
時劉裕未得天水蓋遙領也

東晉疆域志卷四

十一

縣無考

南安郡晉書毛德祖傳從劉裕伐姚泓頻攻滎陽扶風南安馮
翊數郡所在剋捷

縣無考

司州宋書索虜傳毛德祖督司州之河東平陽河北劉遵考傳
督并州司州之北河東北平陽按劉義真傳以義真行都督雍
涼秦三州之河東平陽河北三郡諸軍事今考河東平陽二郡
晉志本屬司州河北縣又本屬河東姚秦時始升作郡錢大昕
考異云三州下當有司州二字是也又按東晉初亦曾遷立此
二郡故晉書李矩傳荀藩表元帝令矩領河東平陽太守是也
是時二郡屬石勒亦不過使矩假其名耳魏浚傳浚亦爲平陽
太守以亂不之官魏該傳元帝假該河東太守督護河東河南

平陽三郡凡領郡可考者三

河東郡宋書朱超石傳大軍進克蒲坂以超石爲河東太守成守之自叙沈林子爲河東太守

蒲坂通鑑義熙十三年姚璞等以蒲坂降十四年裕以

劉遵考爲并州刺史領河東太守鎮蒲坂又以毛

德祖代遵考守蒲坂

平陽郡通鑑義熙十三年裕以薛辯爲平陽太守捍鎮北道

縣無考

河北郡

見上

縣無考

并州宋書劉遵考傳長安平定以督并州司州之北河東北平陽北雍州之新平安定五郡諸軍事輔國將軍并州刺史按此

東晉書地理志卷四

七

上祇四郡錢大昕考異云當脫河北一郡也又按據姚秦載記及遵考等傳則此時司州并州蓋並鎮蒲坂

僑州郡縣第七

豫州

徐州

兗州

幽州

冀州

青州

并州

司州

雍州

秦州

梁州

豫州見上沈志晉江左胡寇强盛豫郡殲覆成帝咸和四年僞

立豫州晉志僞立豫州于江淮之間居蕪湖樂史稱金陵記姑

熟之南淮曲之陽置豫州圖經南豫州城在蕪湖縣東二里今

之五面場是也又按沈志晉孝武太元十年立北河南郡後省

故不錄凡統僑郡六實郡有僑縣者三共僑縣十七

歷陽郡見上

龍亢漢縣名太平寰宇記漢故城在蘄縣南八十里西

晉屬譙郡沈志江左流寓立太平寰宇記晉太興

二年元帝置龍亢縣今含山縣南有龍亢村

南譙郡水經注江水又東逕南譙郡城南一統志譙郡城在巢

東晉疆志卷四

七

縣東南二十里今爲南譙鄉領縣可攷者四

山桑漢縣名太平寰宇記故城在蒙城縣北三十七里

蘄漢縣名水經注渙水又東南逕蘄縣故城南一統志

晉僑置南譙郡治山桑縣又置縣屬焉

鄧漢縣名西晉屬譙郡沈志流寓立今廢縣在全椒縣

西南鄧湖濱按沈志文帝元嘉八年始自南譙度

屬歷陽

扶陽漢縣名元和郡縣志故城在城父縣東北三十六

里圖經晉末僑置屬南譙郡通志廢縣在今無爲

州西北接巢縣界

襄城郡晉志元帝渡江以丹陽春穀縣置襄城郡司馬休之傳

休之爲襄城太守鎮歷陽則郡又嘗僑治歷陽也

繁昌魏縣名沈志晉亂襄城郡沒以此縣屬淮南割于

湖為境晉志元帝渡江僑立襄城郡及繁昌縣圖

經故城在今繁昌縣東北

馬頭郡 見上 領僑縣二

虞漢縣名西晉屬梁郡後漢書注故城在今宋州虞城

縣西沈志流寓因配

濟陽漢郡名屬兗州沈志流寓因配

潁川郡沈志別見水經注江水下後塘上有潁川僑郡故城按此則江左時潁川僑郡亦在今和州界可知又按劉裕進封宋王所益十郡內有北潁川故知此僑立之潁川與北潁川本屬二郡至宋受禪後凡有僑郡又普加南字也沈志南豫州下有南潁是矣惟南南頓郡無考

真書戎志卷四

縣無考

南汝陰郡沈志江左立

汝陰漢縣名後漢書注故城即今潁川郡汝陰縣也西

晉屬汝陰郡東晉同郡僑立沈志所治即二漢晉

合肥縣後省

晉熙郡 又別見

陰安漢縣名沈志晉太康地志屬頓丘晉志同按此縣

江左僑立當與郡同在皖縣地

汝南郡 見上 通典東晉于江夏僑立汝南郡

汝南漢郡名屬豫州通典東晉僑置汝南郡于江夏此

為汝南縣太平寰宇記東晉汝南郡流人寓于夏

口因僑立汝南郡又為汝南縣焉晉末改為江夏

縣荆湘記曰金水北岸有汝南舊城是也水經注
塗水北流逕汝南僑郡故城晉咸和中置寇難南
逼戶口南渡因置斯郡治于塗口按元和郡縣志
又云東晉僑立汝南郡後改爲汝南縣似非

西陽郡

見上西陽漢縣各晉志故弦子國西晉屬弋陽郡東晉僑立

太平寰宇記永嘉亂後並移置故邾城上流五里

秦郡

見上沈志晉武帝分扶風爲秦國中原亂其民南流寄居

堂邑安帝改堂邑爲秦郡永初郡國屬豫州元嘉八年度南克
按此則東晉當屬豫州也

秦沈志本屬秦國流寓立

平丘漢縣名屬陳留沈志稱晉太康地志無江左僑立

東晉疆域志卷四

五

外黃漢縣名太平寰宇記故城在今汴州雍丘縣東西

晉屬陳留東晉僑立

沛漢縣名西晉屬沛國東晉僑立

堂邑漢縣名元和郡縣志故城今阿城是也西晉屬陳

留東晉僑立今故城在和州南

浚儀漢縣名陳留風俗傳曰縣北有浚水儀而象之故

曰浚儀西晉屬陳留東晉僑立

頓丘漢縣名後漢書注故城在今魏州頓丘縣北陰安

城是也西晉屬頓丘郡沈志江左流寓立一統志

東晉初僑置頓丘縣及郡後郡廢以縣屬秦郡今

頓丘城在來安縣橫風村通典潞州清流本漢全

椒縣地舊曰頓丘按此卽仍僑縣舊名

尉氏漢縣名西晉屬陳留東晉僑立通志江浦縣東晉
爲尉氏縣地

南新蔡郡晉志孝武于漢九江王黥布舊城置南新蔡郡屬南
豫州按晉時無南豫州之名晉志蓋誤

苞信漢縣名屬汝南史記正義故城在豫州鄆城縣南
五里西晉屬汝陰郡東晉僑立

慎漢縣名後漢書注故城在今潁州潁上縣西北西晉
屬汝南東晉僑立

朱漢縣名本名新鄆後漢書注故城在今潁州汝陰縣

西鄆上城是也西晉屬汝陰郡東晉僑立按晉書
荊州刺史庾翼奏移西陽新蔡二郡荒民就陂田
于尋陽故東晉之世除江州刺史者必兼督豫州

東晉疆域志卷四

六

之西陽新蔡此以賓州理僑郡非卽屬江州也至
沈志則南新蔡已屬江州或朱初所移屬邪今從
晉志仍附豫州下

徐州見上沈志晉永嘉大亂幽冀青并兗州及徐州之淮北流
民相率過淮亦有過江在晉陵郡界者晉成帝咸和四年司空
郗鑒又徙流民之在淮南者于晉陵諸縣其徙過江南及流在
江北者並立僑郡縣以司牧之通典晉後于鍾離郡地僑置徐
州元和郡縣志晉氏南遷又于淮南僑立徐州安帝始分淮北
曰北徐州淮南但曰徐州凡統僑郡十七賓郡有僑縣者四縣
可攷者五十二

淮陽郡見上晉志元帝渡江之後徐州所得惟半乃僑置淮陽
陽平濟陰北濟陰四郡沈志云晉義熙中土斷立今考淮陽郡

之置當以宋志爲是僑縣一

上黨漢郡名 又別見 沈志本流寓郡併省來配

陽平郡沈志故屬司州流寓來配按宋書武帝紀義熙五年募

容超大掠淮北執陽平太守劉千載則郡僑立在淮北也一統

志陽平廢郡本晉元帝置在今靈壁縣南按沈志領縣三東晉

當同

館陶漢縣名本屬陽平東晉當與郡同僑立下二縣同

陽平漢縣名本屬陽平後漢書注故城在今魏州莘縣

濮陽沈志本流寓郡併省來配按沈志南徐州下又有

南濮陽郡今故並錄

濟陰郡圖經晉元帝時于睢陵僑置濟陰郡地形志彭城郡睢

陵縣晉亂屬濟陰領縣二

東晉疆域志卷四

定陶漢縣名西晉屬濟陽郡東晉當與郡同僑立

頓丘漢縣名西晉屬頓丘郡沈志流寓割配

北濟陰郡

城父漢縣名沈志晉太康地志屬濟陰東晉僑立

離狐漢縣名沈志晉太康地志屬濟陰東晉僑立

琅邪郡 見上 沈志晉亂琅邪國人隨元帝過江千餘戶太興三

年立懷德縣丹陽雖有琅邪相而無此地成帝咸康元年桓溫

領郡鎮江乘之蒲洲金城上求割丹陽之江乘縣境立郡樂史

稱王隱晉書云江乘南岸溝州津有城卽琅邪城又云在上元

縣東北六十里又稱南徐州記曰琅邪郡割潮溝爲界按今句

容縣北有琅邪鄉卽其地晉書康帝建元元年以何充都督揚

豫徐州之琅邪諸軍事二年以褚裒都督兗州徐州之琅邪諸

軍事按安帝義熙十三年以徐州之北琅邪北東莞北東海北
譙北梁豫州之北潁川北南頓益宋國是琅邪東莞東海譙梁
潁川南頓東晉時皆有南北兩郡一係實土一屬僑郡其實土
皆以北字別之至宋永初後僑郡又普加南字耳南譙南梁南
汝陰等則晉太元後已加南字又非自宋始凡領僑縣五

懷德沈志大興三年因琅邪國人立隸丹陽無土地成

帝成康元年桓溫領郡鎮江乘卽縣境立郡圖經

懷德故城在上元縣北又稱建康志實錄云懷德

縣舊置于宮城南七里後改爲費縣移于宮城西

北三里今在鍾山鄉

臨沂漢縣名西晉屬琅邪沈志元帝又分江乘縣地立

臨沂縣太平寰宇記臨沂縣城在上元縣西北三

東臺置城志卷四

十里圖經作東北今考建康志臨沂山在上元縣

東北四十里西南有臨沂舊縣城則當以圖經爲

是晉書義熙九年罷臨沂湖熟皇后脂澤田

陽都漢縣名沈志晉太康地志屬琅邪太平寰宇記故

城在沂水縣南東晉僑立

費漢縣名西晉屬琅邪太平寰宇記故費城在今沂州

費縣西北二十里東晉當與郡僑立圖經僑縣故

城在上元縣西北九里

卽丘漢縣名西晉屬琅邪後漢書注故城在今沂州臨

沂縣東南卽春秋之祝丘也沈志陽都費卽丘三

縣並割臨沂及建康爲土費縣治宮城之北

東海郡 見上 沈志晉元帝初割吳郡海虞縣之北境爲東海郡

立郟朐利城三縣而祝其襄賁等縣寄治曲阿穆帝承和中郡
移出京口郟等三縣亦寄治于京按晉志郟朐利城祝其厚
西隰襄賁凡七縣今仍之

郟漢縣名後漢書注故城在今泗州下邳縣東北西晉
屬東海沈志元帝僑立下五縣並同十管泰山

朐漢縣名後漢書注故城在今海州朐山縣西
利城漢縣名太平寰宇記故利城在懷仁縣西六十里
東晉與郡僑立輿地紀勝稱輿地志晉元帝以海
隅北境之土山立利城縣通志東晉利城故城在

江陰縣西十五里

祝其漢縣名太平寰宇記故城在臨沂縣治東南五十

里

東晉襄城志卷四

厚丘漢縣名太平寰宇記故城在沐陽縣北四十五里

或云六十里

西隰沈志何江左立永初郡國有襄賁祝其厚丘西隰

四縣

襄賁漢縣名後漢書注故城在今沂州臨沂縣南

東平郡晉志元帝以江乘置南東海南琅邪南東平南蘭陵等

郡按此諸僑郡有南字者皆宋受禪後所加晉世無此名也義

熙十二年以徐州之彭城沛蘭陵下邳兗州之高平魯泰山等

郡封宋公卽永初郡國之南彭城南沛南蘭陵南下邳南高平

南魯南泰山也唐人修晉史讀宋書不審誤紉爲晉明帝所名

失之甚矣

縣無考

蘭陵郡晉志元帝置圖經晉太初中置郡及蘭陵縣屬徐州領縣可考者一

蘭陵漢縣名元和郡縣志故城在費縣東六十里西晉

屬東海東晉僑立圖經僑縣故城在常州府武進

縣西北九十里

臨淮郡沈志晉武帝太康元年復分下邳之淮南為臨淮郡治

盱眙江左僑立晉志元帝分武進立臨淮淮陵南彭城等郡屬

徐州周玘傳臨淮太守蔡豹又玘子魏終臨淮太守范甯傳為

臨淮太守蔡豹傳臨淮太守劉遐

縣無考

淮陵郡

見上領僑縣二

廣陽漢縣名圖經廣陽水在縣東故名西晉屬燕國東

東晉置城志卷四

晉僑立

陽樂漢縣名圖經故城在永平府撫甯縣西西晉屬遼

西國東晉僑立

彭城郡沈志江左僑立劉牢之傳領南彭城內史當卽此按據

宋書武帝紀及劉康祖等傳則下邳三郡皆僑立于京口圖經

亦云僑置在晉陵郡界內領縣可攷者一

開陽漢縣名後漢書注故城在今臨沂縣北西晉屬琅

邪沈志晉僑立猶屬琅邪安帝度屬彭城按宋書

武帝紀封公三子義隆為北彭城縣公則此時當

更有南彭城縣可知

沛郡沈志晉成帝又立南沛郡

晉志明帝立疑誤

領縣四

符離漢縣名太平寰宇記古符離城在今縣西一百三

十一里西晉屬清河東晉僑立丁三鼎並同沙克

東晉又並治廣陵

汶漢縣名太平寰宇記壽光縣有漢汶縣故城

竹邑漢縣名太平寰宇記竹邑故縣在彭城

杼秋漢縣名太平寰宇記故城在蕭縣西七十五里沈

三晉書志杼秋治無錫

清河郡晉志明帝立南清河郡沈志屬南徐州今改列此劉敬

宣傳義熙中領清河太守領縣四

清河漢縣名屬冀州史記正義故城在清陽縣東南二

十五里

東武城漢縣名史記正義故城在今東武城縣北十里

西晉屬清河東晉僑立下同

東晉書城志卷四

王

繹幕漢縣名太平寰宇記故城在平原縣西北三十里

貝丘漢縣名元和郡縣志貝丘城在臨清縣東南五十

里

下邳郡晉志明帝立南下邳郡

縣無考

東莞郡晉志明帝立南東莞郡圖經屬南徐州治莒縣凡領縣

三江南通志東晉僑置南東莞郡于晉陵南境

莒漢縣名西晉屬城陽郡元和郡縣志密州莒縣立在此

莒國故城中西晉屬東莞東晉僑立武進縣志縣

有青城在縣東南五十里或云卽古莒縣也

東莞漢縣名太平寰宇記故城卽今沂水縣治西晉屬

東莞東晉僑立

姑幕漢縣名後漢書注故城在今密州莒縣東北西晉

屬城陽東晉僑立一統志僑縣城在武進縣東南

平昌郡晉志明帝立南平昌郡沈志屬南徐州領縣可攷者二

安丘漢縣名太平寰宇記故城在今安丘縣西南十二

里西晉屬東莞東晉僑立

東武漢縣名西晉屬城陽東晉僑立

鍾離郡

見上按此卽實郡僑縣沈志領縣三東晉當同

燕漢縣名沈志故屬東燕流寓因配元和郡縣志安帝

時因東郡燕縣人流入鍾離于此置燕縣按此則

東晉無鍾離縣可知故吉甫又云高齊時復以燕

縣爲鍾離縣也

朝歌漢縣名後漢書注故城在今衛州衛縣西沈志本

東晉疆域志卷四

屬河內晉武帝分河內爲汲又屬焉流寓因配

樂平漢縣名水經注濕水又東北逕樂平縣故城東縣

故清也沈志前漢曰清屬東郡章帝更名晉太康

地志無流寓因配

海陵郡

見上

建陵漢縣名圖經漢縣在今沭陽縣界晉義熙中僑置

于海陵縣屬山陽郡尋屬海陵郡一統志晉建陵

僑縣在海州東北七十里

南梁郡沈志晉孝武太元中僑立于淮南安帝始有淮南故地

屬徐州太平寰宇記自晉永嘉過江溫嶠立淮北之縣用牧流

人又云合肥縣古滁陽城東晉于此置南梁郡領縣可考者七

睢陽漢縣名通典宋城縣云漢睢陽縣在此西晉屬梁

國沈志所治卽二漢晉壽春後省

虞漢縣名別見後漢書注故城在今宋州虞城縣西晉

屬梁國東晉僑立

陽夏漢縣名元和郡縣志太康縣理城卽漢陽夏城沈

志云晉地志惠帝永康中復立按江左僑置在淮

南

安陽晉初立太平寰宇記縣本戰國時魏甯新中邑西

晉屬魏郡沈志永初郡國何並屬南梁

穀熟漢縣名圖經故城在商丘縣東南西晉屬梁國東

晉僑立今故城在和州西北

陳漢縣名沈志晉太康地志屬梁通典城在宛丘縣西

南江左僑立在淮南

東晉置城志卷四

三

新汲漢縣名後漢書注故城在今許州扶溝縣西西晉

屬潁川東晉僑立

東安郡

見上

領僑縣一

發干沈志漢縣名屬東郡史記正義故城在博州堂邑

縣西南二十三里西晉屬陽平沈志太康地志無

江左來配

兗州

見上

沈志中原亂北州流民多南渡晉成帝立南兗州寄

治京口晉志明帝以郗鑒爲刺史寄居廣陵置濮陽濟陰高平

太山等郡後改爲南兗州或還江南或居盱眙或居山陽後始

割地爲境常居廣陵南與京口對岸通典晉末以廣陵控接三

齊故青兗二州刺史皆鎮于此元和郡縣志晉建武初兗州寄

理嶧山上洛陽傾覆郗鑒獲歸州鄉人士並宗附之遂共推鑒

爲主與千餘家避難于嶧山中宗假鑿龍驤將軍兗州刺史鎮鄒山後爲石勒所侵逼鑿率文武自嶧山奔下邳凡統僑郡七僑縣可攷者十三

陳留郡晉志成帝咸康四年于北譙界立陳留郡沈志陳留太守中原亂廢晉成帝咸和四年復立太平寰宇記陳留廢郡在安豐縣東北五里浚儀廢縣在縣東北二百五十步芍陂塘下雍丘廢縣在縣南六十里小黃廢縣在縣西北三十里以上一郡三縣晉義熙十二年劉義慶奏置一統志陳留廢郡在壽州南領縣可考者八按東晉時堂邑亦僑立陳留郡後郡廢所領縣又并入秦郡宋書檀韶向彌等傳所謂北陳留也與此自別

浚儀漢縣名 別見

酸棗漢縣名後漢書注故城在今滑州西晉屬陳留沈

東晉置城志卷四

三

志永初郡國無浚儀封丘而有酸棗

小黃漢縣名西晉屬陳留後漢書注故城在今汴州陳

留縣東北通典同東晉與郡僑立

雍丘漢縣名 別見

白馬漢縣名沈志稱太康地志屬濮陽後漢書注故城

在今白馬縣東東晉僑立

襄邑漢縣名水經注渙水又東逕襄邑縣故城南西晉

屬陳留東晉僑立

尉氏漢縣名 別見 沈志永初郡國陳留郡領酸棗小黃

離丘白馬襄邑尉氏六縣

長垣漢縣名太平寰宇記故城在開封縣北二十里漢

陳留太守治西晉屬陳留一統志廢縣在亳州東

東晉析譙縣僑置按沈志長垣令下云何志故屬
陳留則縣移屬譙郡在永初以後可知

濮陽郡晉志明帝僑置沈志永初郡國濮陽郡領濮陽廩丘二
縣今又附郵城一縣共僑縣三

濮陽漢縣名水經注故城在濮陽津南與衛縣分水西
晉屬濮陽東晉僑立

廩丘漢縣名太平寰宇記故城在雷澤縣北西晉屬濮
陽東晉僑立

郵城漢縣名西晉屬濮陽晉書孝武太元九年前錄都
督謝元攻苻堅克州刺史張崇于郵城克之二十

一年劉該為徐州刺史鎮郵城又王騰寇郵城胡
三省云此非故郵城蓋僑縣也

東晉置城志卷四

高平郡晉志明帝僑置按宋書武帝紀晉義熙十二年以兗州
之高平魯泰山諸郡封宋國即此沈志領縣六今增在城一縣
共領縣七按沈志南徐州下又有南高平郡容永初後所立今
不錄

任城漢縣名郡國志任城本任國西晉屬任城國沈志
江左省郡為縣永初郡國及徐並有

高平漢縣名後漢書注故城在鄒縣西南西晉屬高平
東晉僑立

方與漢縣名元和郡縣志故城即今魚臺縣理西晉屬
高平東晉僑立

金鄉漢縣名劉昭稱晉書地道記縣多山所治名金山
西晉屬高平

鉅野漢縣名郡國志縣有大野澤西晉屬高平

平陽沈志漢舊縣曰南平陽通典故城今兗州鄒縣西

晉屬高平東晉僑立

亢父漢縣名後漢書注故城在兗州任城縣南五十一

里西晉屬任城東晉僑立

泰山郡晉志明帝僑置沈志永初郡國又有山在萊蕪太原三

縣而無鉅平今據列入共領縣十

山在漢縣名晉志在山在東北此下九縣西晉並屬秦

山

奉高漢縣名後漢書注此及嬴博梁父共四縣故城並

在今兗州博城縣界

嬴漢縣名

東晉置城志卷四

牟漢縣名水經注汶水出牟縣故城西南西晉作東牟

南城漢縣名郡國志故屬東海有東陽城西西晉作南武

城

武陽漢縣名後漢書注故城在今沂州費縣西西晉作

南武陽

梁父漢縣名

博漢縣名

萊蕪漢縣名後漢書注故城在今淄川縣東南

太原漢郡名屬并州沈志本郡僑立此縣晉安帝義熙

中土斷立屬泰山按地形志司馬德宗置又云劉

義隆置太原郡是晉時有太原縣無太原郡也圖

經僑城在今長清縣東北名東太原城亦曰升城

晉義熙中僑置太原郡于此

魯郡晉志明帝立南魯郡沈志江左屬兗州領縣六今除平陽等三縣增大樊縣共領縣四

鄒漢縣各括地志故城在兗州泗水縣東南六十里以

汶陽漢縣名後漢書注故城在今兗州泗水縣西

魯漢縣各晉志魯曲阜之地按圖經盱眙縣南有魯縣

故城當即僑縣晉志南兗州下本云或還江南或

居盱眙也

樊漢縣各沈志後漢晉太康地志屬任城太平寰宇記

故城在今瑕丘縣西南

東燕郡沈志江左分濮陽所立領燕縣白馬平昌考城凡四縣

東晉城志卷四

七

燕漢南燕縣沈志稱太康地志屬濮陽後漢書注故城

在今滑州胙城縣東晉僑立下同

白馬漢縣名別見

平昌漢縣各太平寰宇記故城在安丘縣南六十里西

晉屬城陽

考城漢縣各杜預左傳注在外黃東南西晉無圖經僑

縣在懷遠縣東南四十五里今為考城鋪

樂陵郡沈志晉江左立樂陵郡及諸縣

新樂魏縣名按此縣從沈志列入餘無考

幽州沈志晉江左又僑立幽冀青并四州又云徐州備有徐冀

幽冀青并揚七州郡邑接此則諸僑郡皆在江北淮南地可知

輿地紀勝高郵州北阿鎮東晉時嘗僑置幽州太元四年苻秦

將俱難彭超圍幽州刺史田洛于三阿去廣陵百里卽此凡僑郡可考者二僑縣四

遼西郡沈志晉末遼西僑郡省并廣陵領縣四

肥如漢縣名後漢書注故城在今平州西晉屬遼西東

晉與郡僑立圖經僑縣在今天長縣界

路漢縣名水經注鮑丘水南逕路縣故城西西晉屬燕

國

真定漢縣名西晉屬常山郡東晉僑立

新市漢縣名通典故城在真定縣東北西晉屬中山東

晉僑立沈志稱承初郡國云四縣本屬遼西按此

則東晉時置遼西僑郡并領此四縣也

燕國晉書謝安傳以安都督揚豫徐兗青五州幽州之燕國諸

東晉疆域志卷四

五

軍事謝元傳都督徐兗青三州揚州之晉陵幽州之燕國諸軍

事宋書虞丘進傳義熙中除燕國內史錢詹事考異云燕國與

晉陵連文疑卽僑立于晉陵界內

縣無考

冀州沈志江左立南冀州後省義熙中更立治青州又省晉書

安帝元興元年冀州刺史劉軌叛降于慕容德二年冀州刺史

孫無終爲桓元所害義熙中劉敬宣爲青冀一州刺史凡統僑

郡六僑縣十

廣川郡沈志稱何志江左所立宋書孟龍符劉鐘等義熙中並

領廣川太守凡僑縣可考者五

廣川漢縣名太平寰宇記故城在棗強縣東北西晉屬

勃海沈志稱何志晉還清河未知何據又云晉僑

立廣川郡領廣川一縣寰宇記僑郡在淄州長山縣宋武帝所立蓋武帝在義熙中立也下武強縣亦同

蓀漢縣名後漢書注蓀今德州縣故城在縣南西晉屬中水勃海沈志稱何志廣川郡又有蓀縣

武強漢縣名沈志稱何志江左立樂史稱郡國縣道記故縣在今縣西南二十五里漢為侯國今縣即西

晉于其城置武強縣因古城以名之按元和郡縣志晉置武強縣屬武強郡今考武強郡誤當從地

形志作武邑郡也蓋晉武置武邑郡又置武強縣以屬之至東晉又僑立耳太平寰宇記宋武帝又

于廣川郡理僑置武強縣

東晉晉城志卷四

五

索盧沈志稱何志江左立地形志索盧縣晉屬廣川郡按此縣疑西晉所置東晉僑立

章武漢縣名沈志稱晉太康地志屬章武國後漢書注故城在今滄州魯縣江左立屬廣川

河間國沈志江左屢省置晉書安帝義熙六年廣川太守劉鍾河間內史蒯恩帥眾追盧循是東晉有河間國亦當屬冀州也

領縣可考者一

中水漢縣名沈志稱晉太康地志屬河間後漢書注故城在今瀛州樂壽縣西北按沈志又云孝武大明

七年自河間割度廣川據此則晉末當屬河間也

魏郡沈志江左屢省置晉志成帝咸康四年僑置魏郡廣川高陽堂邑等郡并所統縣並寄居京邑曾稽王道子傳以嬖人趙

牙爲魏郡太守王導傳子恬爲魏郡太守一統志廢魏郡在上元縣界領縣二

肥鄉漢縣名圖經故城在今廣平府肥鄉縣西西晉屬

廣平樂史稱輿地志晉僑立魏郡領肥鄉元城二

縣後省元城

元城漢縣名圖經故城在今大名府元城縣西晉屬陽

平

頓丘郡沈志江左屢省置按今從沈志列冀州下領縣可考者

陽平漢縣名後漢書注故城在今魏州莘縣西晉屬陽

平郡地形志永嘉後併樂平又云晉屬頓丘當是

僑縣

東晉置城志卷四

三

高陽郡沈志晉武帝又分范陽爲高陽江左屢省置宋史向靖傳遷高陽內史在義熙中又義熙十二年以高陽內史劉鍾領石頭戍事樂史稱輿地志高陽郡領北新城博陸二縣按東晉時江北之堂邑雖在版圖亦曾僑立于江南義熙元年劉裕以弟道憐領堂邑太守戍石頭是也樂史稱輿地志堂邑郡領堂邑一縣後省併高陽又圖經稱咸康中常僑置廣陵郡于陵陽縣晉志亦不載

北新城漢縣名史記正義故城在易州遂城縣西南二

十里沈志稱晉太康地志屬高陽東晉僑立

博陸魏縣名晉志高陽國治博陸東晉僑立

勃海郡沈志江左屢省置領縣可考者二

長樂西晉郡名沈志疑是江左省爲縣

重合漢縣名後漢書注故城在今滄州樂陵縣東西晉
鉅鹿郡屬勃海東晉僑立

鉅鹿郡宋書劉道憐傳義熙元年索虜寇徐州攻相縣執鉅鹿
太守賀申據此則東晉僑置鉅鹿郡當在相縣也故附此領縣
可考者一

鉅鹿漢縣名水經注衡水又北逕鉅鹿縣故城東西晉
屬中土

青州見上沈志江左僑立治廣陵安帝義熙五年平廣固北青
州刺史治東陽城而僑立南青州如故凡統僑郡三僑縣八

齊郡沈志過江僑立後省以西安配南魯郡領縣可考者二
西安漢縣名後漢書注故城在今青州臨淄縣西北西

晉屬齊國按沈志云永初郡國無西安縣知齊郡
東晉疆域志卷四

及西安縣僑立及省皆在東晉也
臨淄漢縣名水經注淄水又東逕臨淄縣故城南齊郡

治西晉屬齊國東晉僑立
濟岷郡沈志江左立晉書載記晉濟岷太守劉闔等叛降于石

生接沈志又云魏平蜀徙蜀豪將家于濟河故立此郡安帝義
熙中土斷并濟南今故列入僑郡領縣二

營城沈志濟岷郡領營城晉甯二縣
晉甯沈志江左立

高密郡見上沈志南兗州下高密郡領淳于黔陬營陵夷安凡
四縣按太元四年秦將俱難等拔盱眙執高密內史毛瑛之據

此則高密僑郡當在盱眙

淳于漢縣名後漢書注故城在今安丘縣東北沈志稱

晉太康地志屬城陽下三縣並同

黔陬漢縣名後漢書注故城在今諸城縣東北

營陵漢縣名後漢書注故城在青州北

夷安漢縣名太平寰宇記故城在今密州高密縣外城

并州元和郡縣志晉惠帝時并州之地盡爲劉元海所有其後

劉曜徙都長安自平陽以東盡入石勒至苻堅姚興赫連勃勃

並于河東郡置并州後苻丕爲慕容垂所迫奔于晉陽稱帝一

年爲慕容永所滅又按晉書穆帝升平元年苻堅將張平以并

州降遂以爲并州刺史平爲苻堅所逼奔于平陽堅追敗之安

帝義熙四年并州刺史劉道憐劉道規傳亦爲并州刺史沈志晉于江左僑

立并州凡統僑郡可考者二

上黨郡晉書謝琰傳上黨太守張乾碩按郡後又省爲縣沈志

東晉疆域志卷四

三

淮陽郡有上黨縣云流寓郡併省來配則郡當僑置在淮陽也

又淮南有上黨郡沈志上黨民過江者僑郡縣寄治蕪湖後省

上黨郡爲縣

縣無考

義昌郡宋書劉道憐傳代諸葛長民爲并州刺史義昌太守弟

道規亦爲并州刺史義昌太守

縣無考

司州見上晉志元帝僑置司州于徐安帝紀元興二年司州刺

史溫詳凡統僑郡五實郡有僑縣一共僑縣二十一

宏農郡見上晉志東晉以宏農人流寓尋陽者僑立爲宏農郡

領縣可考者一又附錄一縣

宏農漢縣名太平寰宇記故縣在靈寶縣西南西晉屬

宏農沈志尋陽又有宏農流寓文帝元嘉十八年省併松滋

曲陽漢縣名沈志前漢屬東海後漢屬下邳太康地志

無按此縣從沈志宏農實土中析出下邳舊縣而立
在宏農其為僑縣無疑然僑立之處當在宏農
實郡界內與寓居尋陽者又不一地故云附錄

河東郡 見上 沈志晉成帝咸康三年征西將軍庾亮以司州僑

戶立河東郡統安邑聞喜永安臨汾宏農譙松滋大威 即廣威當時避

隋諱 耳 八縣並寄居焉烈王無忌傳轉河東郡太守桓石虔傳領

河東太守太平寰宇記東晉孝武時荊州刺史桓冲以苻堅強
盛自襄陽退屯司州

安邑漢縣名元和郡縣志故城在夏州東北十五里西

東晉疆域志卷四

晉屬河東東晉僑立下同

聞喜漢縣名太平寰宇記故城在今聞喜縣西南八里

西晉屬河東

永安漢縣名水經注氾水又西流逕永安縣故城南西

晉屬平陽

臨汾漢縣名太平寰宇記故城在正平縣東北二十五

里西晉屬平陽

宏農漢郡名沈志江左立僑郡後併省為縣按晉志宏

農郡僑列尋陽而此宏農縣則寄居上明地者今

故兩立

譙漢縣名 別見 沈志譙民流寓立

松滋漢縣名太平寰宇記故城在今霍丘縣東十五里

沈志晉屬安豐疑是有流民寓荆土故立太平寰宇記咸康三年以松滋流戶在荆土者立松滋縣以隸河東郡圖經晉僑置松滋縣屬南郡咸康四年屬河東僑郡

廣戚漢縣名後漢書注故城在今徐州沛縣東沈志稱太康地志屬彭城江左流寓立

河南郡沈志僑立始治襄陽晉志孝武于襄陽僑置河南郡圖經河南廢郡在今襄陽縣北又穀城縣東有洛陽城當亦江左時僑縣以沈志云當是何志後立故不錄

河南漢縣名洛陽圖經故城在今洛陽縣西北西晉屬河南郡東晉僑立下同

新城漢縣名後漢書注故縣卽今洛州伊闕縣

東晉城志卷四

晉

河陰漢縣名後漢書注故城在今洛陽縣東北

陽城漢縣名水經注潁水逕陽城故城南沈志下二縣
禾初郡國有

緱氏漢縣名太平寰宇記故城在今緱氏縣西北六里河內郡沈志武帝北平關洛置司州刺史又有河內東京兆二郡河內寄治河南領溫野王軹河陽沁水山陽懷平臯朝歌凡十縣按數止有九

溫漢縣名太平寰宇記故城在今縣西南二十里西晉屬河內東晉與郡僑立下同

野王漢縣名後漢書注故城在今懷州

軹漢縣名後漢書注故城在今洛州濟源縣東南

河陽漢縣名後漢書注故城在今衛州共城縣東

沁水漢縣名水經注沁水又逕沁水故城北

山陽漢縣名後漢書注故城在今襄州修武縣西北

襄漢縣名元和郡縣志故襄城在武涉縣西十一里

平臯漢縣名後漢書注故城在今襄州武德縣西通典

及太平寰宇記亦同括地志作武德縣東二十里

俟再攷

朝歌漢縣名後漢書注故城在衛州衛縣西西晉屬汲

郡東晉僑立屬此

東京兆郡沈志寄治滎陽領長安萬年新豐藍田蒲坂凡六縣
按止有五縣

長安漢縣名元和郡縣志故城在今長安縣西北十三

里西晉屬京兆東晉僑立下同

東晉疆域志卷四

五

萬年漢縣名太平寰宇記故城在今櫟陽縣東北三十

五里

新豐漢縣名長安志稱郡國縣道記今縣東十二里故

新豐縣西南四里新豐故城卽漢高帝所立

藍田漢縣名劉昭稱晉書地道記有虎侯山

蒲坂漢縣名沈志稱晉太康地志屬河東東晉僑立移

此

廣平郡沈志咸康四年江左僑立治襄陽晉成帝省後又立寄

治丹徒領廣平易陽曲周三縣圖經廣平廢郡在今光化縣北

今增邯鄲縣凡領縣四

廣平漢縣名通典故城在永年縣北沈志稱太康地志

屬廣平下二縣同又云徐度以朝陽縣境立

易陽漢縣名漢書音義在易水之陽

曲周漢縣名通典故城在今曲周縣西南西晉無東晉

僑立

邯鄲漢舊縣郡國志有叢臺西晉屬廣平按沈志云孝

武大明元年始省則晉未有此縣也

雍州沈志晉江左立胡亡氏亂雍秦流民多南出樊沔晉孝武始於襄陽僑立雍州并立僑郡縣太平御覽稱南雍州記永嘉之亂三輔豪族流于樊沔僑于漢側立雍州因人所思以安百姓也晉書安帝義熙六年雍州刺史魯宗之十二年刺史趙倫之統僑郡六共僑縣二十

京兆郡沈志初僑立寄治襄陽朱序沒氏孝武太元十一年復立哀帝興甯元年以桓豁監雍州之京兆軍事卽此一統志京兆廢郡在襄陽縣西領縣可考者六

東晉城志卷四

美

杜魏縣名長安志故城在今萬年縣東南十五里西晉名杜城屬京兆下並同

藍田漢縣名見上沈志永初郡國有藍田鄭池陽南霸

城新康五縣按晉末蓋同鄭池陽南霸

鄭漢縣名元和郡縣志舊縣在今鄭縣西北三里

池陽漢縣名後漢書注故城在今涇陽縣北沈志稱太

康地志屬京兆僑立亦屬京兆按晉志池陽屬扶

風云晉惠帝置蓋太康後縣廢至惠帝復立又從京兆移扶風也

南霸城漢霸陵縣史記正義故城在萬年東北二十五

里霸水之東沈志晉太康地志曰霸城

新康沈志稱永初郡國有又云何志無新康而有新豐
又云新康疑是晉末所立

扶風郡沈志僑立治襄陽郡圖經扶風廢郡在穀城縣東領縣
可考者一

魏昌沈志魏立屬中山又云永初郡國及何志郡惟有
魏昌縣按當屬東晉僑立時移屬也

始平郡沈志晉武帝太始二年分京兆扶風立後分京兆扶風
僑立治襄陽元和郡縣志在武當縣地領縣可考者四

槐里漢縣名郭璞山海經注今始平槐里有黃山太平
寰宇記故城在興平縣東南十里沈志稱太康地
志屬始平僑立亦屬始平

始平魏縣名太平寰宇記魏黃初元年建因始平原以
東置置城志卷四

名西晉屬始平東晉僑立沈志永初郡國有始平
平陽清水三縣按晉末當同

平陽魏郡名屬司州沈志江左平陽民流寓立此
清水漢縣名沈志稱太康地志屬畧陽僑立屬始平

南上洛郡沈志永初郡國何志雍州並有南上洛郡寄治魏興
又徐志云南上洛晉武帝立沈志云非也疑當是江左所立或
在北上洛郡之先沈志領縣二晉末當同

上洛漢縣名後漢書武關在縣東西晉屬上洛東晉僑
立下同

商漢縣名史記索隱有古商城於城所謂商於也

北上洛郡沈志稱徐志雍州有北上洛北京兆義陽三郡北上
洛晉孝武立領上洛北商鄆陽陽亭北拒陽五縣

上洛 見上

北商

鄠陽沈志下三縣並云安帝立按太平寰宇記晉泰始

三年分商縣之地置豐陽縣因豐陽川以為名尋

廢是豐陽縣本有實土故江左僑立也下拒陽亦

同

陽亭

北拒陽太平寰宇記晉泰始三年分上洛地置拒陽縣

旋省按此云北拒陽則東晉僑縣也

義陽郡

見上

沈志雍州義陽郡云晉安帝立領平氏襄鄉二縣

按此與南義陽東義陽及本郡統未沒之縣凡四義陽又按太

平寰宇記廣漢郡什方縣有南陽郡故城李膺記曰南陽漢中

東晉疆域志卷四

五

李雄亂蜀道李壽盡擿漢川五千餘家流寓于此晉太康元年

立郡按雄亂蜀在太康後遠甚又諸地志益州亦無南陽郡故

不錄

平氏漢縣名後漢書注故城在今唐州平氏縣西西晉

屬南陽東晉僑立

襄鄉漢縣名通典故城在棗陽縣東北西晉無東晉僑

立

秦州 見上

凡統僑郡四僑縣十又按司馬尚之傳遣武都太守

楊秋屯橫江武都當亦江左僑郡附記于此

西京兆郡沈志晉末三輔流民出漢中僑立沈志領縣三永初

郡國無藍田縣故不錄凡領縣二

杜 見上

鄂漢縣名宋敏求長安志故城在今鄂縣北二里沈志稱太康地志屬始平西晉同東晉僑立

西扶風郡沈志晉末三輔流民出漢中僑立領縣二晉末當同郡漢縣名元和郡縣志故城在今郿縣東一十五里西晉屬扶風東晉當與郡僑立

武功漢縣名後漢書注故城在郿縣東四十五里西晉屬始平郡東晉僑立屬此

懷甯郡沈志秦雍流民晉安帝立本屬南秦州寄治成都宋書朱齡石傳監秦州之安固懷甯郡諸軍事領縣三

治平

西平沈志稱何志故屬天水名西縣按宋書孝懿蕭皇后傳父卓爲洮陽令時在東晉則洮陽或亦係僑

東晉書域志卷四

羌

縣名

萬年漢縣名長安志漢故城在今櫟陽縣東北二十五里櫟陽故城是西晉屬京兆東晉僑立

安固郡沈志張氏于涼州立晉哀帝時民流入蜀僑立本屬南秦州領僑縣三按秦州上有南字當亦宋永初後所加

略陽漢縣名後漢書注故城在今秦州隴城縣西北西晉屬略陽東晉僑立

桓陵沈志張氏立

臨渭沈志稱晉太康地志屬略陽東晉僑立

梁州見上沈志李氏據梁益江左于襄陽僑立梁州晉書周訪傳訪爲梁州刺史屯襄陽凡統僑郡五實郡有僑縣三共僑縣

新巴郡

見上實郡

漢昌漢縣名劉昭稱巴記曰分宕渠之北置西晉屬巴

西元和郡縣志晉孝武帝自白沙皮移漢昌縣僑

理涪縣下仍屬新巴郡

南新巴郡按郡所領縣五沈志稱何志云皆晉安帝哀帝立則

郡亦東晉時置可知沈志又稱起居注新巴民流寓文帝元嘉

十二年于劍南立疑起居注有誤也

新巴沈志稱何志晉安帝立下四縣並同

晉城

晉安

漢昌

桓陵

東晉疆域志卷四

四

巴西郡

見上實郡

西充國漢縣名見上元和郡縣志晉孝武于漢涪縣地

僑置西充國縣屬巴西郡按太平寰宇記李雄亂

後其城荒廢故孝武復僑理于此耳

益昌沈志稱徐志不注置立元和郡縣志晉孝武又于

涪縣地僑置益昌縣則益昌實縣必孝武以前置

也

北陰平郡晉志梁州郡縣沒于李特尋屬楊茂按其晉人流寓

于梁益者仍于二州立南北二陰平郡沈志稱徐志本屬秦州

樂史稱輿地志亦同

縣無考

南漢中郡沈志稱晉地記孝武太元十五年梁州刺史周瓊表

立晉志孝武又別置南漢中郡按此蓋漢中郡民流寓于此故
立後郡旋廢至宋大明三年復立也徐志亦云北漢中民流寓
立宋書朱齡石傳南漢中郡又屬益州領縣可考者一

南漢沈志稱何志晉穆帝立故屬漢中

晉熙郡沈志秦州流民晉安帝立領縣二

晉熙沈志晉安帝立

襄陽沈志晉安帝立

東江陽郡見上領僑縣一

縣水沈志稱何志晉孝武立元和郡縣志晉于江陽縣

地置縣水縣樂史同

西江陽郡圖經東晉分置西江陽郡沈志中失本土寄治武陽
太平寰宇記晉永和中置西江陽郡一統志晉安帝于漢武陽

東晉疆域志卷四

四

縣僑置江陽亦曰西江陽郡按此則東晉之江陽卽西江陽郡
以別于東江陽故俗又加西字耳非兩郡也

縣見上

魏水志云漢中郡置晉安帝立天師傳魏志晉于江陽

東晉疆域志卷四

襄陽沈志晉安帝立

晉熙郡沈志晉安帝立

晉熙郡志秦州流民晉安帝立領縣二

南漢沈志稱何志晉穆帝立故屬漢中

立宋書朱齡石傳南漢中郡又屬益州領縣可考者一

立宋書朱齡石傳南漢中郡又屬益州領縣可考者一



